

圭塘欵乃集





圭塘欵乃集

許有壬等纂

叢書集成初編

(補印本)

圭塘欵乃集

一九三九年十二月初版
一九六〇年五月補印

許有壬等纂

商務印書館出版

上海大東集成聯合印刷廠印刷

圭塘欵乃集

元

許有壬許有孚許

楨馬

熙纂

有壬·字可用·彰德路湯陰人·元延祐二年進士·累官中書左丞·卒諡文忠·有孚·字可行·有壬之弟·登進士第·歷官南行臺

御史·同僉太常禮儀院事·楨字元幹·有壬之子·以門功補太祝·熙字明初·衡州安仁人·歷官右衛率府教授·

序

圭塘欵乃者。御史中丞安陽許公。與其季氏都司君可行。其客馬君明初。及公之冢嗣國子上舍生楨。閒居倡和之什也。公謝事歸相城。於其第之西二里。得康氏廢園。薙灌莽。剗樞翳。廓然一新。既又鑿池其中。袤廣以步計者千餘。深八尺。形如桓圭。雙洲右枕。孤隄左峙。夷隄緣焉。回垣繚焉。導渠西北。時其洩闕。直坤有崇臺。西山在肘。亦閒繕完舊亭。勝槩方獻。道在其南。梁于道之半。池清見底。魚潑刺可數。於是泛池有舟。涉川有橋。夫渠楊柳。棗栗桑榆。梅榴桃杏。蒼松翠竹。繁華豐草。周於池之中外。蓋培植踰年而後成。燠涼炎凍。雖異候而生意源源。娛目暢懷。無時或閒。惟二古檜歸然。乃康氏故物。公既甚愛之。時杖屨攜弟若子。會賓友。觴詠其間。以池之占勝居多。故以圭塘名。而此倡彼和。宮商遞宣。少長同驩。主賓相忘。一草一木。品題不遺。故名其篇集曰欵乃。若漁歌互答。然亦謙辭也。都司君遂自爲引。哀爲巨帙。或傳至京師。伯琦得而盡閱之。詩古律五七言。二百一十九。樂府六十六。總之二百八十有五。其中惟樂府十解。馬

明初所作。餘皆公與弟若子一家所作也。嘻。何其盛哉。惟賢人君子。有濟世之偉業者。必有絕世之高致。蓋識見預定於胸臆。行藏一安於所遇。蘊之豐則發之宏。發之宏則蘊之者益豐矣。古昔游賞之跡。若東山作綠野。若平泉則輞川龍門。其境未嘗不勝也。或時有未偶。或志有未遂。或地非其鄉。至於子弟之才。美皆不見稱於世。眉山蘇氏一門詞藻盛矣。然用世未竟。間關嶺海。莫年來歸。各謀僑居。未聞有燕集游覽之樂。由是觀之。功名之際。家庭之間。有不得兼其美者多矣。獨安陽公。以命世之賢。際熙洽之運。自處士時。已負重望。及居宰輔。慨然以天下爲己任。迪德明謨。培元氣。植善類。正色立朝。將三十年。天下陰受其賜而不知也。年方耳順。角巾東第。坐對桑梓。泊然韋布。園林池亭。泉石之勝。旣甲一方。而棣萼芝蘭之暉映。又英發杰出。玩造化於品物。暢情性於彝倫。家傳戶誦。如獲親炙。天下之美。昔人之所未得者。遂兼有之。然非受於天者厚。固不能以具諸美。非造於道者深。亦不能以一朝享也。孔子曰。精義入神。以致用也。利用安身。以崇德也。用被於人。德尊於己。樂行憂遠。無施不可。非義精仁熟。如吾安陽公者。不足以與於此。伯琦從公遊。非一日。辱知最深。故於圭塘之詠。推本而言之。使知公者。求公於樂山樂水之間。而不可與流連光景。忘世徇情者。並論也。謹書於欵乃篇什之端。以見安陽公一門文物之盛。至正十年歲在庚寅七月。旣望。鄱陽周伯琦序。

有孚

圭塘欵乃 井引

至正戊子秋。吾兄中丞公。以賜金得康氏廢園於相城之西。池陁亭圯。垣堦卉木伐。唯雙古檜在。庀徒具畚鍤。從事疏鑿。池廣袤千餘步。深一仞。形如桓圭。西隴二洲。東規一島。帶以平堤。繚以周垣。渠於乾良。以時啓閉。臺於坤維。高可數丈。西山巖巖。近在眉睫。百里之景。可攬而有視。亭之罅漏。填豈而戶牖之。南爲道。道中爲橋。十一月五日。導水入池。縱魚數千尾。作樂合賓友落成。將橋於二洲。舫於水。蓮於池。柳于堤。果子亭側。松竹花草于池南。次第而時植焉。昔人平泉綠塹。吾不知其何如。若是園者。亦城西之佳地矣。公杖屨。或篋衣。或宮錦。招佳賓。挈子弟。觴詠其間。香山獨樂。不是過也。公嘗謂池成。當用晁補之摸魚子首句。買陂塘旋栽楊柳爲樂府。未幾明初馬先生先撫此以爲公壽。公歡然卽席和之。命有孚同賦。得二首。池旣成。載廣八韻。通爲十闋。以成初意。且以爲同聲唱和張本。公因題之曰圭塘欸。乃是池得佳名矣。然園有亭臺。命名紀實。則必待公爲記焉。

買陂塘旋栽楊柳。詩翁急欲知務。平生想像江湖意。幾度雞鳴風雨。爲有渚。直晚景桑榆。才得烟霞嶼。先賢好語。道鍾鼎山林。神仙宰相。從昔不同趣。西池路。天意而今都許。佳人協律調呂。浮沉願入雞豚社。其柰香山佳句。誰我醕。又菊節相催。先約修花譜。猶今視古。有洹水秋聲。林慮爽氣。壯觀我西圃。買陂塘旋栽楊柳。山中道士家務。豐年城市秋偏好。又近重陽風雨。蘭汎渚。雖信美江山。不似吾雙嶼。孫兒學語。說桑梓光陰。松筠節操。歲歲有驩趣。沙堤路。身退功成天許。非熊夢斷占呂。但教階下人如謝。解道春池新句。尊有醕。更不說傳家事業光。吾譜衣冠尙古。有雙檜亭臺。萬荷池沼。安我邵平圃。

買陂塘旋栽楊柳。平章風月專務。歸來溫樹無人問。但聽四窗荷雨。圓作渚。准擬似神山。瀛海烟波。凭闌獨語。笑元亮謀生。秫多菊在。惟識酒中趣。東華路。朝士從朝推許。廟堂議論如呂。謝學士序公文過集曰。燭承乏翰林。亦嘗得豫廟堂大議。公於事有不可。輒危言極論。畫其後當何如。莫道夷簡不曾說來。聞者爲竦立。而今不說經綸話。只辦城西聯句。鄰酒醕。更乘興相從。香鼎并琴譜。平生考古。已散卻黃金。換回清福。倚杖看爲圃。

買陂塘旋栽楊柳。園亭儘有公務。東山更理閒絲竹。莫用蒼生霖雨。鷗鷺渚。澹相對忘機。不羨蓬瀛。喚平生願語。便泉石膏肓。烟霞痼疾。始遂隱居趣。邯鄲路。老我頭體如許。黃糧何日逢呂。斜川便是桃源洞。千載歸來辭句。巾漉醕。笑琴亦無絃。何處求新譜。茫茫萬古。任滄海桑田。白衣蒼狗。不到老農圃。

買陂塘旋栽楊柳。閒人有此忙務。平泉綠野吾無羨。僅著一蓑烟雨。舟泊渚。更把釣觀魚。宛在池中。喚掀髯自語。待月到天心。風來水面。笑領此時趣。堤邊路。斷藥鄰翁相許。阿蒙非復吳呂。西山如畫。花如錦。專待公來尋句。瓢挹醕。聽牧唱樵歌。高下從無譜。何須說古。只待漏東華。軟塵千尺。應不到茲圃。

買陂塘旋栽楊柳。佳人屢輟齋務。扁舟蕩漾亭深處。堪避片雲疎雨。明月渚。有仙子凌波。解佩留芳。喚園丁亦語。道四美俱全。二難巧遇。杯酒易成趣。昇平相元與旌陽同許。水雲身世希呂。歸來卻覓玄真子。不和岳陽樓句。斟桂醕。悵瑤琴朱絃。遺曲誰能譜。談今援古。聽無底書囊。有源詩派。何必種芝圃。

買陂塘旋栽楊柳。不妨三月農務。溪翁走報新痕漲。昨夜西山雷雨。將沒渚。有復道雙洲。繚繞通孤嶼。黃鸝對語。正春色暄妍。物華明媚。好在浴沂趣。天涯路。芳草茫茫如許。蠻牋難寫心呂。碧雲冉冉春波綠。

都是相思情。句。花共醞。似梅與山。馨。臭味會同譜。堤陰樹古。要亂絮。漫空。柔條蘸水。慎勿折樊圃。
買陂塘。旋栽楊柳。詩人何遜。曹務水雲鄉。裏看雲錦。不羨落花紅。雨如願。渚。膾鮮。鯽銀絲。畫舫。縈回。嶼。華
嬌欲語。任澹澹。荷觴。淋漓宮錦。痛飲是佳趣。虛閒地。更有圖書如許。坑灰追笑。羸呂北窗。一榻清風。細
讀罷。義文章。句。姑置醞。對避暑樓臺。名畫宣和譜。亭前檜古。看黛色參天。霜皮溜雨。閒煞漢陰圃。
買陂塘。旋栽楊柳。新來已見成務。小山叢桂人如玉。何用爲雲爲雨。懷北渚。悵渺渺。予懷。目斷游龍嶼。馮
誰寄語。正宋玉。悲秋。桓温種木。妨我遠游趣。西風勁。一鷁橫空。何許。匆匆月。又南呂。崇臺迥出雲霄表。
好是登高題句。時載醞。卻不是香山。淚落琵琶譜。毋多讓。古有黃菊青松。寒香晚節。吾不負吾圃。
買陂塘。旋栽楊柳。英雄頗識時務。老臣正欲彰君賜。未辨萬間風雨。安石渚。可無事爭墩。吾自安吾嶼。從
人浪語。且雪後。觀山。鐙前飛蓋。不動剡溪趣。西湖夢。卻要扁舟來許。何時命駕。如呂對梅。渾似蘇堤上。
追和逋仙佳句。茶當醞。有佳客相過。刻燭論詩譜。因評近古。自畫錦歸來。觀魚軒後。誰更問園圃。

可翁和

明初賦摸魚子。壽予。既次其韻。而可行和之成什。衰病技癢。亦足爲十首。
買陂塘。旋栽楊柳。歸來此是先務。他鄉故里。都休校。舊雨不如今。雨鴻在渚。笑爾尙南飛。吾已安弧嶼。黃
花解語。道人老宜秋。身安耐酒。此正有真趣。鑾坡路。大手深慙燕許。超騰又悖鍾呂。但求閒澹。如元亮。
卻恨詩多奇句。傾綠醞。底須按樂天。池上霓裳譜。休論往古。有。三日重陽。約君同醉。老子築西圃。

買。陂。塘。旋。栽。楊。柳。閒。官。宜。治。閒。務。老。天。助。我。攻。清。澹。兩。月。不。遭。泥。雨。規。別。渚。更。累。土。爲。山。留。土。分。爲。嶼。鄉。人。共。語。歎。百。歲。陴。燕。一。朝。疏。鑿。此。去。日。成。趣。江。湖。願。自。是。平。生。心。許。元。英。誰。羨。陳。呂。石。渠。細。溜。鳴。琴。筑。清。侶。我。家。詩。句。杯。引。醕。便。收。拾。松。風。寫。入。絲。桐。譜。區。區。學。古。愧。竊。祿。無。功。投。閒。有。分。猶。患。不。如。圃。買。陂。塘。旋。栽。楊。柳。年。來。於。此。承。務。涼。臺。燠。館。吾。何。有。聊。芘。一。時。風。雨。洲。暎。渚。向。一。片。烟。波。鼎。峙。嵯。峨。嶼。盤。空。硬。語。挽。三。峽。詞。源。千。軍。筆。陣。不。盡。樂。閒。趣。當。年。志。爲。國。微。軀。曾。許。青。雲。仍。際。觀。呂。從。知。弱。步。難。勝。重。夢。斷。九。天。臚。句。時。飲。醕。趁。四。序。栽。花。綴。作。園。池。譜。長。歌。弔。古。悵。安。得。良。田。茫。茫。萬。頃。種。玉。闢。玄。圃。買。陂。塘。旋。栽。楊。柳。田。園。忙。勝。官。務。放。魚。種。藕。常。無。暇。移。竹。又。嘗。新。雨。由。近。渚。駕。一。葉。扁。舟。時。復。還。吾。嶼。花。香。鳥。語。况。心。上。無。縈。眼。前。多。景。絃。外。有。琴。趣。尊。壘。小。能。費。人。間。幾。許。荷。香。惟。欠。仙。呂。天。光。雲。影。清。難。寫。盡。日。撚。須。無。句。池。作。醕。要。醉。上。通。明。傳。取。鈞。天。譜。西。山。翠。古。任。列。壑。爭。譏。攢。峯。竦。詔。難。及。野。人。圃。買。陂。塘。旋。栽。楊。柳。塵。凡。皆。與。停。務。半。生。醉。夢。人。間。世。翻。覆。幾。回。雲。雨。歸。有。渚。似。真。到。三。山。縹。緲。紅。雲。嶼。忘。懷。笑。語。任。白。鷺。驚。飛。蒼。苔。不。掃。去。此。便。無。趣。斜。川。路。宇。宙。茫。茫。何。許。綺。園。肯。附。諸。呂。悠。然。一。見。南。山。後。便。覺。世。多。塵。句。持。此。醕。論。心。事。中。間。異。姓。還。同。譜。迂。疎。好。古。因。蕪。菊。栽。松。滋。蘭。植。蕙。荒。了。種。瓜。圃。買。陂。塘。旋。栽。楊。柳。散。人。不。理。他。務。柳。栽。近。水。應。先。綠。應。用。等。閒。霖。雨。遵。北。渚。看。雙。檜。蟠。空。倒。影。搖。烟。嶼。千。言。萬。語。只。今。日。投。簪。經。年。閉。戶。便。自。得。天。趣。真。男。子。報。國。誰。如。張。許。論。交。仍。負。嵇。呂。我。今。但。要。閒。陶。寫。幸。免。鏤。章。雕。句。村。甕。醕。此。真。是。交。梨。火。棗。傳。家。譜。庭。空。樹。古。有。野。鶴。時。來。衡。門。不。鎖。清。徹。地。仙。圃。

買陂塘。旋栽楊柳。歸農未免多務。一亭四序。饒風景。且說夜來春雨。香濕渚。愛新柳。依稀。數影連三嶼。黃鸝不語。怕曲几團蒲。坐忘未定。驚破靜中趣。功名事。卻笑平生自許。誰調陽律陰呂。而今且向東君問。舊句豈如新句。開臘醮。要醉喚石湖。重緝寒梅譜。榮枯自古。趁九十韶華。六旬餘力。終日醉吾圃。買陂塘。旋栽楊柳。清風淨掃塵務。柳陰已見疎成密。又聽綠荷敲雨。鷗戲渚。柰條爾翻飛。飛過崔嵬嶼。形神自語。豈世事相縈。機心未息。物我不同趣。池亭小。收斂風烟來許。漁歌何愧鍾呂。水紋瓦影相娛悅。高詠退之佳句。荷酌醮。有一曲滄浪。不犯人間譜。悠悠振古。問誰似吾儕。攻迂習澹。爲水廢場圃。買陂塘。旋栽楊柳。眼中已辨歸務。柳成修榦。蓮成實。均沐老天恩。雨憐小渚。欲氣象侵陵。海上神仙嶼。神仙有語。任涓滴蹄涔。茫洋鯨浪。各自適歸趣。星星鬢。鏡裏衰容如許。西風又動商呂。九原宋玉悲何及。付與短歌長句。瓢泛醮。縱不到箕山。也是曾通譜。希賢信古。看畫錦堂前。霜天老月。千載照韓圃。買陂塘。旋栽楊柳。田家小小成務。一年清景。君須記。大勝草烟花。雨水沍渚。把一片玻璃。圍護瓊瑤嶼。釣簾獨語。是天富貧家。地輸清供。種種出奇趣。桑榆樂。造物而今已許。一竿自昔歸呂。圭塘欸。乃烟波曲。卻屬腐儒章句。尊有醮。是波若神湯。世與詩同譜。誰能復古。且池上觀梅。爐中煨芋。鐙下治書圃。

明初和 井序

中執法安陽公初度之辰。熙賦樂府爲壽。以買陂塘旋栽楊柳爲首句。爲新得園池成公志也。公泊可行。都司各和二首。禎和二首。旣而可行董浚築之役。竣事復八賡韻。公亦如之。愈出而愈奇。有本者如是夫。

公命熙復賡。而麗技窮矣。搜枯得九首。并倡爲十闕。謹錄以呈。伏希指教。

買陂塘。旋栽楊柳。參知綠野機務。春花秋月冬宜雪。夏有芟風荷雨。亭北渚。更倚棹觀魚。時憩東西嶼。掀髯自語。任黃閣絲綸。彤庭劍履。未換涉園趣。人間世。多少高眠巢許。勳庸終愧伊呂。得閒宰相方爲貴。

誰識山中詩句。觴玉醕。看老鶴蹠蹠。舞入南飛譜。清風萬古是舊隱。睇韓新堂醉白。香滿菊花圃。

買陂塘。旋栽楊柳。參知老圃機務。宰臣得請歸田里。久旱忽逢甘雨。懷鄂渚。悵黃鶴樓前。鸚鵡翔烟嶼。騷魂可語。奈信美江山。無窮湖海。難得故鄉趣。西園地。天意昔年曾許。墳簾近協音呂。築臺浚沼方竣事。更辦雪兒佳句。仍酌醕爲禱爾三家。恐有治園譜。今吾勝古問孟氏芳鄰。何時康樂。何似東之圃。

買陂塘。旋栽楊柳。參知圭沼機務。石渠灑灑鳴西北。不用九天瓢雨。魚在渚。又戲藻翻荷。遶遍方圓嶼。魚如解語。道惠子忘言。莊周忘象。豈識水中趣。寒泉上。雲影天光如許。高談曾會朱呂。此中儘有源頭水。

添我感懷新句。姑卻醕便合著葉嘉。百世雲仍譜。心源汲古任智井。無波。方塘好在。餘潤及蔬圃。

買陂塘。旋栽楊柳。參知三島機務。方壺員嶠千夫力。揮汗已能成雨。鼻立渚。著雨兩胎禽。俯伏紅雲嶼。忘機對語。儘較短量長。昨非今是。未害老仙趣。山中計。長史詎能羈許。糊塗政合睨呂。交梨火棗如緘惠。

何必雲林摘句。餅馨醕。問玉醴金漿。通我仙宗譜。嘗聞往古說丹近蓬萊。風猶引去。何處覓縣圃。

買陂塘。旋栽楊柳。參知漁艇機務。巨以冒涉風濤險。此際纜烟維雨。朝泊渚。到日落滄波。移傍寒梅嶼。翠禽無語。甚雪意方深。月明空載獨棹始成趣。蠻坡夢。年少紛紛權許。科名更欲俸呂。桃花浪暖多肥。

不識綠蓑詞。常載醕。豈特與筆牀茶竈聯文譜。閒忙今古。是世上何人。淵明日涉。董子不窺圃。
買陂塘。旋栽楊柳。池亭檢校公務。團茅時復。羲皇上。驚夢每勞。窗雨東望。渚卻不似西偏。略徇連雙嶼。于
時語。待柳色環堤。荷香入座。方足倚闌趣。園丁慙。直把廉名自許。端如司馬家。呂十千。護得簷前檜。
莫詠蟄龍奇句。誰酌醕。試共看東臯五斗先生譜。明當做古。要渠列箕疇。牖縣義書。學取晦翁圃。
買陂塘。旋栽楊柳。平堤檢校公務。近來不用新沙築。屐齒要深。苔雨蘭藝。渚植桂樹團圓。宛在池中嶼。堤
應怨語。只有恨柔條。無情飛絮。日與我同趣。周垣下。杖策已蒙神許。饒瓜何用懷。呂丈夫志。不期溫飽。
愧爾碧紗籠句。行且醕。聽絃索迎風。吹入新翻譜。由今視古。對草綠西湖。裙腰一道。端合讓西圃。
買陂塘。旋栽楊柳。飛橋檢校公務。當年題柱非無意。借用墨池玄雨。沱共渚。早有路潛通海上。三神嶼。歸
來笑語。便玉蟬橫空。金鯢跨海。安有野亭趣。裴中令。別墅相師。惟許倡酬聲。應鍾呂。若教子午成丁卯。
容得老漁尋句。忙喚醕。好淨洗窮愁。卻與論詩譜。西風道古。我欲繫匏瓜。匏瓜何在。緱氏已無圃。
買陂塘。旋栽楊柳。寄臺檢校公務。西山遠。獻千巖壑。總解蓄雲藏雨。臨淺渚。更俯視銀濤。萬頃搖孤嶼。姪
娥寄語。約靜影浮光。浴金沈璧。方領眺蟾趣。登臨地。休道主人先許。買鄰邀我。從呂黃金鑄。作千錢賀。
不及無須新句。剌綠醕。甚欲把園亭。草木隨時譜。歌函驗古。看祭韭條桑。薪樗剝棗。納稼築場圃。
買陂塘。旋栽楊柳。夢中還理家務。十年不到衡山麓。孤負楚雲湘雨。蘋暎渚。渺杜若江籬。香接烟霞嶼。口
心相語。爲蠅驢東西。雲龍上下。誤卻釣游趣。生平志。願識平輿二許。煌煌岳降。申呂斐詞。敬爲先生壽。

博得月章星句。毋我醕。只小草幽蘭。心醉離騷譜。松存徑古。待遊遍西園。荷鋤歸去。吾亦愛吾圃。

楨和

買陂塘。旋栽楊柳。求田專理農務。扁舟來往烟波裏。青籊綠簑風雨。時泛渚。把遠岫遙岑。收拾來孤嶼。黃華解語。道鳳閣鸞臺。黃塵烏帽。爭似醉鄉趣。洄溪上。道士而今惟許。非熊夢斷。姜呂水聲。山色相縈繞。涌出筆端新句。斟桂醕。聽萬籟笙竽。一派仙家譜。休論往古。向種菊籬邊。觀魚軒外。晚節有秋圃。買陂塘。旋栽楊柳。閒人忙過曹務。山翁溪友來相賀。昨夜應時甘雨。舟泛渚。有茶竈相從。同過東西嶼。鷗邊自語。是午夢初回。餘醒未解。七椀得真趣。神仙事。雲海茫茫何許。何人巖下逢呂。詩家卻有還丹訣。萬景點成奇句。公自醕。且山水徜徉。莫考飛升譜。悠悠萬古。看一片烟霞。四時風物。吾圃卽玄圃。

有孚

圭塘雜詠 井序

圭塘亭臺浚築之役。經始及落成。有孚實皆與聞。吾兄時一來遊。雖乘興忘返。而芳春長夏。秋晴冬煥。有孚獨得賞翫。竟日不敢孤兄之賜。謹取日所爲事。各成小詩。題曰圭塘雜詠。用發長者一笑。塘之可詠者不止此。又當別撰拜呈。

作樂導水

一部香山池上樂。等閒誰遣到圭塘。水聲更比樂聲好。鳴玉漱雲來未央。

攜妓落成

郡守朱舜咨。治具率寮友來賀。喜甚。大醉而歸。

皂蓋朱幡寮友隨。池亭終宴不知疲。笑扶紅袖山翁醉。寧問街頭拍手兒。

柳下聽鶯

陰陰烟翠足潛身。其奈嬌喉百轉新。卻憶當年閨闈曉。恩袍光照上林春。

登第日。唱名西宮。密躍上林。嘗聞鶯也。

舟中對鷺

風標公子雪衣裳。來把蓮池野景妝。鼓浪鳴橈不驚去。主人機事久相忘。

荷觴酌酒

珍珠紅貯碧琉璃。故摘新荷代酒卮。看取持盈舊時手。肯教宮錦笑淋漓。

蕉葉題詩

綠映書窗兩樹蕉。興來得句就揮毫。何時更草閒居賦。卻笑街頭紙價高。

荷淨納涼

晚來池上據胡牀。荷葉荷花遠益香。不待輕風來鼻觀。一襟煩暑自清涼。

開窗看雨

白雨跳珠響翠荷。秋聲剛比夜來多。天公不破爲霖手。捲地狂風可奈何。

時大旱。連日。雨作。皆被風吹散。

松陰獨釣

坐塘款乃乘

滿地松陰草似茵。漁竿聊復樂吾真。無端凡子忽相過。便說嚴灘與渭濱。

與客泛舟

青簾畫舫木蘭橈。佳客來游不待招。莫話濟川當日事。且乘明月聽吹簫。

日夕觀山

晚晴臺上看巉巖。萬壑千峰起翠嵐。恰似雲間招五老。今宵有夢定江南。

西堤晚眺

雲影天光隔小橋。一亭如翼水週遭。東隅不似西堤好。日照平林古塔高。

雨中移竹

琅玕新綠滿亭臺。雨雨風風手自栽。玉立明年看新笋。凌雲會使鳳凰來。

月下觀梅

月照新堤水見沙。暗香浮處影橫斜。詩人同愛多成癖。不獨西湖處士家。

倚檻觀魚

魚我相忘樂可知。漆園仙老不吾欺。眼前無限濠梁興。獨咏鄉賢石刻詩。

魏公有觀魚軒詩石刻。

遠堤種菊

酒熟同招隱士看。饑來忍把落英餐。春風無限閒桃李。不似黃華耐歲寒。

竹間開逕

陰分老翠濕分苔。洞府通幽一逕開。底用三三頰杖屨。此中風月足徘徊。

水口聽琴

潺潺石溜最宜琴。悵望佳人勞我心。誰識淵明琴外趣。只愁流水負知音。

獨坐投壺

小童傳箭侍投壺。勝負無爭祇自娛。四面芙蓉風日美。絕勝客舍夜呼盧。

登臺縱目

白雲飛處太行低。遠近川原望眼迷。西北蒼烟護喬木。佳城鬱鬱是洹溪。

調白蓮始花

素娥乘月下瑤臺。翠羽霓旌次第開。宴罷洛宮歸去晚。玉杯遺在碧雲堆。

調木芙蓉不花

隄上芙蓉池內蓮。要看水木鬪清妍。雲舒霞卷知何在。目斷秋江思黯然。

調湖石

嶄然山立勢巍巍。巖岫封苔碧帶緋。幸免秦家鞭叱苦。從教雲去笑無衣。

聽箏

雁柱參差銀甲輕。水亭虛敞助絃聲。從知不似南薰譜。且向尊前解酒醒。

可翁和

作樂導水

洄溪滾滾源頭活。分得枝流入小塘。恠底凝雲吹不散。管絃聲滿水中央。

攜妓落成

一罇才空一曲隨。胼胝今日頓忘疲。年來懷抱須陶寫。敢笑長安衆富兒。

柳下聽鶯

萬條金縷裊長身。勾引遷喬語意新。休向建章誇百疇。陶家門徑有餘春。

舟中對鷺

禪定聯拳斂素裳。豈知船上載紅妝。主人有約君毋忽。多少魚兒要汝忘。

荷觴酌酒

野人飲具謝玻璃。自有天然軟玉卮。蕩漾翠濤擎不定。有人談笑縱淋漓。

蕉葉題詩

騷鄉綠楮寓芭蕉。翠瑩尤宜運紫毫。風致於詩真有助。卯君才調况清高。

荷淨納涼

柳陰多處著方牀。高柄無塵各有香。危坐悠然受清供。風聲撼撼更秋涼。
開窗看雨

霎時清響鬧新荷。其奈龍公不肯多。窗外風光吾不校。四郊禾黍定如何。
松陰獨釣

半世京華因鼎茵。高風時復夢玄真。可憐緣木求魚者。今日君其問水濱。
與客泛舟

欸乃聲中動畫橈。不煩舟子更相招。而今赤壁荒寒裏。試問何人有洞簫。
日夕觀山

林慮千仞翠巖巖。罨畫工夫在莫嵐。徙倚崇臺觀未足。紅輪西北月東南。
西隄晚眺

小亭何用赤闌橋。細柳新荷綠四遭。落日胡床更東望。碧天如水月輪高。
雨中移竹

山人聚景作池臺。移得龍孫帶雨栽。頃刻雲開晴日上。便教陰過酒尊來。
月下觀梅

空明雲水碧搖沙。疎影尤宜竹外斜。爲我殷勤謝僧父。莫疑繁李玉川家。

倚檻觀魚

魚樂江湖自不知。非魚非我故相欺。卮言我不如莊惠。終日觀魚只有詩。

繞隄種菊

紛紛紅紫厭相看。老境才將蔗倒餐。不向四堤皆種菊。風霜誰與共高寒。

竹間開徑

翠寒深處斲蒼苔。香霧霏霏晚自開。從此一筇雙不借。尋詩迎客幾盤徊。

水口聽琴

幽棲長物一張琴。時對清流自寫心。老子興闌童子去。月明縣溜有遺音。

獨坐投壺

綠陰清晝矢鳴壺。慶馬何煩用酒娛。有主無賓聊一笑。卻呼僮僕煮臯盧。

登臺縱目

老眼常疑萬象低。憑高遠景更淒迷。只從此地觀吾圃。便覺江湖是小溪。

調白蓮

仙姿皎潔映圓臺。真見凌波恣意開。却是圭塘宜產汝。朝陽東照玉成堆。

調木芙蓉不花

南土風宜陸地蓮。移根培植不能妍。世間久絕司花手。却道殷韓是偶然。
調湖石

一卷千古碧崔嵬。閱盡人間紫與緋。老子未能兄事汝。醉來聊用挂絺衣。
聽箏

冰絃轟烈倚歌輕。絃外無聲復有聲。我自忘情聊過耳。幾人聞此發狂醒。
楨和

作樂導水

清泉百折來西麓。遠逐笙歌匯一塘。從此主人多樂事。源源如水共無央。
攜妓落成

郡寮飛蓋遠追隨。觴詠臨流肯厭疲。一任東山多□妓。夏家元是木腸兒。
柳下聽鶯

聲似笙簧金滿身。飛來應愛柳條新。遙知驚破幽人夢。才信吾園有好春。
舟中對鷺

泛舟消暑謝冠裳。愛爾蕭然水國妝。一縷風絲忽飛去。眼前有句不能忘。
荷觴酌酒

軟香誰琢碧玻璃。捧掬兢兢強作卮。竟日罰多詩不就。墨痕少似酒淋漓。

蕉葉題詩

當年懷素種芭蕉。髡却中山幾兔毫。偶得青羅遊戲耳。秋風攀桂仰天高。

荷淨納涼

水雲鄉裏一蓁牀。萬綠亭亭晚更香。地勝境清煩暑盡。更教漁笛弄初涼。

開窗看雨

紛紛銀箭射新荷。添得陂塘景物多。回首林虛真水墨。一窗其柰萬山何。

松陰獨釣

龍蛇影裏藉沙茵。一線清風畫不真。眼底得魚鮮可食。山巔何似水之濱。

與客泛舟

忘形談笑任停橈。解后寧煩折簡招。我和叩舷誰我和。吾舟有客却無簫。

日夕觀山

亭西咫尺聳千巖。清氣侵凌湧碧嵐。紅日欲沉山更好。從他捷徑在終南。

西堤晚眺

聞說平泉與午橋。興衰自與世相遭。柳隄雖比沙隄小。莫景相從此最高。

雨中移竹

踏泥穿徑接崇臺。斷破蒼苔特地栽。我得此君心事了。從今俗客不須來。

月下觀梅

老樹清溪映白沙。可人竹外一枝斜。黃昏信步前村去。香到松林賣酒家。

倚檻觀魚

濠梁樂意幾人知。魚自知魚肯自欺。莫說銀絲鮮鯽膾。波神應恠杜陵詩。

遶隄種菊

東籬疇昔笑相看。培植今非爲夕餐。但與此隄同晚節。九天霜露任清寒。

竹間開徑

翠陰穿漏地無苔。涼氣疏通一徑開。要與此君常接迹。杖藜初不厭迂徊。

水口聽琴

琮琤鳴玉已如琴。更拂冰弦爲洗心。我識子期千古意。直教流水有餘音。

獨坐投壺

消閒偶爾得全壺。心手相忘亦可娛。窗外山禽忽驚起。握籌因得笑胡盧。

登臺縱月

圭塘欸乃集

碧雲冉冉雁行低。望斷郊原思欲迷。隱隱玉龍飛舞處。恰知流派是前溪。

調白蓮

水仙拭面出粧臺。洛霧汀烟撥不開。愧爾多情慰貧索。滿池融作爛銀堆。

調木芙蓉不花

橘不逾淮况木蓮。爾居非地故爭妍。江南八月花如錦。却是天機出自然。

調湖石

紛紛草木簇峨巍。柳亦拖藍棗亦緋。獨爾堅頑無用處。只從烟雨老苔衣。

聽箏

弦風清入玉纖輕。翻作雲間鸞鳳聲。不用捋鬚興感慨。且圖醒却一朝醒。

可翁

酒間得口號二十八字

卯君爲我鑿圭塘。荆棘花爲雲水鄉。昨夜荷香新雨過。一年勞費盡銷忘。

有孚和

檜影蟠空尙滿塘。錦鄉還勝五雲鄉。須臾一曲棹歌起。四座清風暑亦忘。

楨和

柳陰荷氣滿池塘。好景天留在老鄉。翁自無心聊復爾。誰教魚鳥亦相忘。

楨

侍飲圭塘賦律詩并和韻二首

人間何地不驕陽。今日池亭願始償。四面綠楊籠碧蘚。一池翠蓋擁紅妝。松搖天外風聲細。竹引窗間雨氣香。莫問爲霖蘇大旱。醉眠且得一宵涼。習池自合醉高陽。酒債從今未易償。花白好從陶令社。冠金休羨蜀宮妝。雨聲瀉出九天譜。荷氣鍾成百和香。頭上黑雲真有意。要催詩句助清涼。

翁用楨韻二首

城西風物擅安陽。鄉社而今債已償。自笑衣冠成野逸。更從花柳看時妝。酒沾松露涓涓冷。詩入荷風字字香。莫道年來無事業。等閒成就一天涼。半畝方塘學紫陽。道心未瑩賞心債。蝶飛已悟三生夢。蓮褪猶存半面妝。四座賓朋連日醉。一朝風雨滿城香。人間政爾愁炎暑。誰信吾亭有許涼。

叔和楨韻并序

至正己丑歲。相城春夏不雨。旱既甚。六月二十九日始雨。入夜沾足。吾兄乘輿挈孀姪來圭塘。縱觀樂甚。猶子楨具饌。且有詩。兄謂有孚曰。詩雖不高。其意可取。遂走筆答之。有孚亦技癢弗禁。依韻得四首。兄

載賡之楨亦自和。共八章。觴詠間作於荷聲樹色中。不謂此身之在塵世也。時東平孟彥超來尹安陽。方走神祠。致懇禱。甘澍適應。尤可喜也。故併及之。

水雲身世本純陽。八座仍教宿債償。且對風光留客飲。誰教雪景待人妝。芭蕉題字詩偏好。荷葉爲盃酒亦香。却笑紛紛輕薄手。等閒反覆變炎涼。

階下戎葵識向陽。平生心事未全償。池邊風雨生秋意。林下衣冠稱道妝。三逕不荒松菊茂。一亭渾貯芟荷香。仙翁命駕來聽雨。未許北窗專此涼。

買得園亭位面陽。百年心事一時償。風吹楊柳回鸞舞。雨浥芙蓉墮馬妝。相下未成真率會。洛中空記姓名香。當時太液池邊宴。不信人間六月涼。

辛巳之夏。吾兄以左轄。被命留京師。遵故事。率留守臣。登廣寒殿視鱗漏。適御酒至。恭宴池上。有長句。故及之。

炎光只尺又秋陽。生意才將一雨償。學圃幽人乘逸興。凌波仙子競新妝。三生不負林塘夢。滿座驚聞翰墨香。爲語安陽新令尹。塵氓先荷此宵涼。

可翁

太常引四首 七月十九日賦

圭塘種藕已多時。貼水曉星稀。生意一朝回。便萬柄紅酣綠欵。連宵驟雨。透空繁響。清絕不容詩。對景

寫襟期。要無愧鷗夷皮。

幽人早起赴池亭。看初日照娉婷。風蓋露珠傾。又勝似前時雨聲。水沉香裏。錦雲深處。雙檜插天青。一

葉釣舟輕似野渡無人自橫。

四隄楊柳接松筠。香破水芝新。羅襪不生塵。笑畫裏凌波未真。

紅雲飄渺。清風蕭颯。半醉岸烏巾。不是

葛天民也。做得江湖散人。

雲舒霞卷萬妝穠。倒影水天紅。池轉小臺東。又一種娟娟玉容。

仙肌綽約。奇芬清遠。搖動水晶宮。一笑

對衰翁。好同赴廬山社中。

有孚和

藕花無數半開時。池上客來稀。杖屨獨徘徊。忽翠蓋因風盡欹。

天工妝景。水神輸供。陶寫費新詩。身外

杳難期。笑士價才堪五皮。

新篁搖葆。蒼梧張蓋。山色入簾青。雲澹

綠衣持節擁亭亭。玉立萬娉婷。一見寸心傾。任詩畫無聲有聲。

趙公琴鶴。謝家絲竹。漉酒又陶中。不獨

午風輕。看樹影西窗又橫。

太平民好。鳳閣鸞坡。舊人

水文湘簟織霜筠。座客句清新。何物是紅塵。更著箇漁舟寫真。

翠盤承月。玉杯擎露。粲粲藥珠宮。眞賞

太平民好。鳳閣鸞坡。舊人

鶻妝仙子。謝纖穠。獨立水雲紅。綽約畫闌東。似姑射冰肌雪容。

鶻妝仙子。謝纖穠。獨立水雲紅。綽約畫闌東。似姑射冰肌雪容。

有麴翁。盡添入霓裳曲中。

有麴翁。盡添入霓裳曲中。

楨和

池亭荷淨納涼時。四面柳依稀。棹得酒船回。看風裏沙巾半欵。
負歸期。更誰看桃花面皮。

殘霞照水。夕陽明樹。天付畫中詩。應不

西池池上好新亭。紅翠鬪娉婷。翠蓋幾番傾。聽水上紅妝笑聲。

歸來鄉社。不關塵事。活計問樵青。世事

一毫輕。看西嶺晴雲莫橫。

藕花香裏有叢筠。照水綠梢新。清潔出風塵。似特與幽人寫真。

門無俗客。地多清興。羽扇白綸巾。甘作

太平民。故自謂羲皇上人。

澹妝素服更纖穠。清致不須紅。佇目畫橋東。一掃盡人間冶容。

麻姑何在。嫦娥昨夜。飛出廣寒宮。天亦

爲詩翁。把好景都移此中。

可翁

圭塘獨坐賦四律

我作圭塘未及年。眼中生意浩無邊。三秋未半荷沃若。一日不來心欲然。自古人生求適意。只今先務是歸田。管絃何似塤箎韻。此去新詩幾百篇。

西郭園亭近市塵。市塵雖近足風烟。陶家事業惟栽柳。周子襟懷託愛蓮。莫向人間爲白眼。試從水面照華顛。悠悠千古滄浪意。時上扁舟自叩舷。

我屋來西圃。輪蹄二里遙。晚風收菡萏。秋雨長芭蕉。有酒容開口。無官免折腰。柴門莫堅閉。恐負野人

地僻心逾遠。詩多意轉長。陰森穿竹徑。甘脆剝蓮房。魚長已堪釣。醅香先自嘗。敢言誇畫錦。聊復此圭塘。

有孚和

天與安閒未老年。杖藜無日不池邊。古存兩檜待真賞。瑞毓雙蓮非偶然。但要遶籬皆種菊。從教負郭却無田。和陶未盡登臨興。更誦南華內外篇。

池上新亭僅一廛。池中風物飽雲烟。底須太華峰頭藕。且對匡廬山下蓮。飲酒有時如白醉。揮毫無用效張顛。扁舟盡日橫秋水。客至何因暝戛舷。

小酌西隄上。松陰曲逕遙。竹金搖翡翠。杯玉碾芭蕉。雨急添池面。舟閒纜樹腰。嬾無書折簡。佳客不須招。林泉風景別。山色與雲長。酒友招元亮。仙游憶子房。鱸鮮銀細縷。粳熟雪初嘗。自愧無佳句。其如負此塘。

楨和

一束辛勤四十年。神功收斂老溪邊。高牙大纛皆徒爾。野服黃冠任自然。但得醒心多勝槩。肯因餬口望良田。圭塘此去無他事。與客日談秋水篇。

甘作村氓受一廛。林塘花竹隔人烟。四迴水色涵秋色。一片紅蓮間白蓮。倦矣且歸從所好。老來雖醉不成顛。採菱有曲聲清越。不覺頻敲畫舫舷。

日涉宜成趣。行行不憚遙。世途紆百折。心事付三蕉。日射華明臉。風來柳折腰。水雲深處好。舟子又相招。事去心猶在。閒來日更長。願治韓相圃。誰羨贊公房。蕭散今方得。艱難昔備嘗。天公知此意。返照媚橫塘。

可翁

漫書

誰謂予多蹇。年來儘遂心。作池通活水。栽竹值連陰。景物源源出。門墉步步深。從知非大隱。有此小山林。

有孚和

生意觀池上。天其慰我心。瑞蓮開並蒂。新柳作繁陰。題品詩方進。栽培歲未深。當年朝市夢。曾到此雲林。

楨和

構築非觀美。幽棲要賞心。芰荷宜晚色。松竹共清陰。風物四時好。烟波幾許深。白蓮開爛漫。誰復憶東林。

可翁

有舟

有舟維老樹。欲動恐傷蓮。遂使成虛器。何由濟大川。錦雲香捧擁。烟月澹留連。泛泛行無礙。霜清八月天。

有孚和

憶昨爲舟日。初非爲采蓮。衣冠懷赤壁。泉石問伊川。涉險平生屢。投閒幾月連。浮生身世似。行止敢違天。

楨和

畫舫將焉用。圭塘爲看蓮。不教橫野渡。且免涉長川。荷礙行還止。萍開斷復連。乘槎如有路。相伴去朝天。

可翁

大雨兩晝夜。僮報牆仆而竹甚茂。喜成口號。

一夜銀河瀉欲乾。桑田幾似海漫漫。岸頽牆仆吾無憾。栽活蒼筤數百竿。
有孚和

水溢仍須慮旱乾。此君生意始瀟灑。朝來喜作菁菁徑。其柰平原水數竿。

楨和

逐婦鳴鳩叫欲乾。雨聲長夜共漫漫。已添方沼水三尺。洗出穿雲玉萬竿。
可翁

雨後觀竹乃有陸墊摧折者數叢。因用前韻。

一昨移栽怕雨乾。豈期平地水瀾漫。此君與我真無負。摧折猶堪作釣竿。
有孚和

后土泥深苦未乾。幽人無寐夜漫漫。此君摧折真堪惜。賴有紅霓尙可竿。
楨和

從來植物怕枯乾。平地誰教水盡漫。叢篠巖牆偶然耳。釣鼈吾自有長竿。
可翁

新秋卽事

圭塘欵乃集

莫踏蒼苔破。茨門晝亦關。林風秋入樹。波日晚搖山。原野蒼茫外。烟霏指顧間。更須安一榻。月夜不須還。

有孚和

池亭殘暑去。樂事日相關。徑列霜前菊。窗招雨後山。好詩來枕上。爽氣滿人間。極目崇臺晚。遙天一鶴還。

楨和

西園無俗客。盡日掩柴關。柳岸行觀水。松窗臥看山。功名付身外。天地寄杯間。目送行雲去。翩翩倦鳥還。

可翁

秋陰

秋陰宜沼上。蘚翠不曾乾。聽雨朝欹枕。觀雲莫倚闌。地寬人自在。松茂竹平安。天遂閒中樂。年豐翁不難。

有孚和

雨止雲猶密。尊空硯不乾。郊原誰植杖。臺榭我凭闌。景以人增勝。閒知夢益安。賦詩因調笑。倚和羨才難。

楨和

水面波紋定。隄傍土脉乾。清風雙鼓棹。薄暮一馮闌。綠野思裘度。東山訪謝安。及辰行樂爾。世路任艱難。

可翁

漁家傲四首歌圭塘四時也

水盡泉香雲縹緲。韶華隱隱浮林杪。酒在葫蘆魚在沼。清晝悄。好音時復來黃鳥。管領風光心未老。衰

顏却怕清波照。有酒可斟魚可釣。能事了。東風一曲漁家傲。
窗影修篁搖翠葆。牆陰幽逕連芳草。蔦地雨來荷葉鬧。香更好。亂烟浮動紅雲島。
邊宜著蘭舟小。世態紛紛何足校。收桂權。烏鳥且和漁家傲。
露洗璇穹青杳杳。年光紅入灘頭蓼。翠蓋撐烟吹半倒。霜信早。一匳寒影磨清曉。
山更與供登眺。酒債漸多詩債少。翻水調。西風幾疊漁家傲。
落日崇臺寒力峭。登臨恰似尋安道。有竹何人能徑造。吾不諂。相逢要遂掀髯笑。
知定訝人枯槁。珍重歲寒冰雪操。君自寶。老夫且唱漁家傲。

有孚和

莫訝圭塘春縹緲。要知生意從多杪。柳動長隄永泮沼。庭院悄。舊巢又見來玄鳥。
中勳業。慚頻照。招飲便須忙罷釣。休醉了。東君要聽漁家傲。
濃綠園林光莫葆。詩翁只愛窗前草。驟雨才過蛙又鬧。亭館好。日長人在蓬萊島。
酣卻笑。瀛洲小。柳外荷邊休計較。皆可權。采蓮人和漁家傲。
雲外賓鴻聲漸杳。人聽罷。如嘗蓼。我對清尊時復倒。風露早。黃雞果是能催曉。
天一色。供遊眺。短笛悲秋知者少。吹別調。新翻商意漁家傲。
雪後西山崖壁峭。奇觀難與他人道。煨芋有爐無客造。從壑誚。巡簷且索梅花笑。
冷蘂疎花開矯矯。水

村妝點霜林。稿賴有此君同節操。成二寶淺斟低唱。漁家傲。

楨和

青入西山烟。縵縵天機只在菰蒲杪。風解水漸融。小沼人靜悄。一聲何處啼山鳥。杖策尋芳逢野草。芽柳眼明殘照。歸到圭塘還獨釣。心事了。簫聲暖。和漁家傲。

衆綠初生如羽葆。池光搖漾連汀草。紅杏已無春意鬧。風致好。水中三嶼如三島。荷葉如錢蒲嫋嫋。石渠靜聽泉聲小。從此圭塘時檢校。停短櫂。柳陰高。唱漁家傲。

鴻雁翩翩雲路杳。蘆花如雪迷紅蓼。荷葉不禁風雨倒。秋意早。詩懷清似霜天曉。獨掩柴扉誰得到。高臺日暮宜瞻眺。清致日多塵事少。歌古調。新聲移入漁家傲。

萬木凋零巖壑峭。一機消長觀天道。松竹園亭時一造。誰敢誚。猷冰煮茗供談笑。自負平生心矯矯。三閩何事形容槁。琴到無絃誰與操。懷我寶相逢。且賦漁家傲。

有孚

瑞蓮歌 并序

圭塘落成之明年。七月既望。吾兄中丞公與客小集。塘西南雙洲前產瑞蓮。駢花亭亭。異蒂同跗。殆陰陽和氣。鍾爲禎祥。天以慰老臣。錫眉壽而昌子孫也。惟公高科起家。致位丞弼。贊化機。培善類三十年矣。謝事來歸。田不足供伏臘。而林塘栽植。竭力資之。蓋欲靜觀四時生意之妙。與造物者遊。而積善餘慶。吉事

有祥嘉瑞之見。理亦宜哉。有司欲以上聞。公退然不居。而好事者繪爲圖矣。有孚退而閱史。唐開元至宋紹興四百年間。僅十七八見。表箋歌頌。逢涌沓作。雖不奏祥瑞。乃公素心。然游泳至和。詠歌太平。不可無也。乃爲之歌曰。

圭塘活水分清洄。主人嗜好同先賢。蓮根培植未踰歲。孰謂一旦生嘉蓮。初疑霞臉影附鑑。又似絳幘了分鬢。幻成彩鳳翼。自比。琢開香玉環。仍連李唐以來具圖表。趙宋奏賀尤駢闐。我元聖德極涵育。瑞應只許書有年。嘗思至正辛巳夏。吾兄實握綱轄權。廣寒殿下太液池。亭亭並蒂薰風前。守臣有請願馳獻。獨以義折煩便便。歸來對此蹄涔水。肯將異草誇里廛。吾鄉自昔號多士。諸君巨筆如修椽。僉言此是閭里榮。歌詩條與圖俱傳。身閒意適物口寓。園林何必皆平泉。天公端爲表餘慶。慶緒日與絲綿綿。蓮房有子風味好。不待食藕沉痾痊。願言七澤均此瑞。主人福壽方如川。

可翁和

相攸西郭濱吾洄。老病宜退非遺賢。平生竊慕君子德。池上種竹池中蓮。蓮兮胡獨出奇異。聯房葉簇金絲鬢。二姝同體面目別。七澤移種根株連。書祥史籍見歷歷。走觀士女來闐闐。人言培植久方盛。一泓疏鑿未及年。自知不作駭俗事。茲焉誰握生發權。形容敢勝周子說。胚臍又在太極前。亭亭照影欲輕舉。凌波微步俱清便。倦遊夢不到玉井。歸來老屋安一廛。小池偶爾薤蕪茂。池上弊亭才數椽。酒從鄰貫已多債。詩取意適誰令傳。天公特與慰岑寂。嘉瑞湧出如源泉。卯君有倡阿買和。僮歌况復清且綿。擬爲表頌

僭歸美。柰此癩痼誰能痊。予心真樂更多有。傍花隨柳在前川。

禎和

太行山下溪名洹。洹溪主人今得賢。石渠分溜入方沼。種出萬柄紅白蓮。就中一茄發挺特。艷妝雙出雲鬢鬢。有如二女降媯汭。翠裙紅袖相牽連。岐分駭目未信宿。里傳傾耳何喧闐。波神有爲獻嘉瑞。要並太史書豐年。主人謙德不敢有。福善自是天行權。亭亭植立萬花表。可人適在亭之前。日酣欲語轉嬌姸。風動似舞尤輕便。一時圖寫溢紈素。十日車馬空市廛。昔聞萸萸曾表異。乃因土階與采椽。景星鳳鳥豈常有。考信前史真宜傳。醴湖蕪塞不復見。而今乃濯圭塘泉。禎祥奕葉定不斷。藕絲萬縷相纏綿。幽人到此自怡悅。膏肓泉石尤難痊。要須紀錄入郡乘。千年增重吾山川。

有孚

侍兄池上對景書懷

天機寒燠自潛通。殘暑何勞用力攻。萬柄荷聲秋雨裏。一窗山色夕陽中。初心人未慚青史。晚節兄當訪赤松。歲月等閒成老大。池亭何幸日從公。

可翁和

觥觥時泛一橋通。詩墨誰能四面攻。官業向來慙柱下。仙遊隨處是壺中。風聲細細來雙檜。波影澄澄見七松。笑傲滄州人老矣。功名付與黑頭公。

楨和

平生心事負清通。得失何須較面攻。人道神仙遊海上。天教宰相住山中。四方舊植多桃李。三徑新開滿菊松。野老從教爭席坐。不須牀下拜龐公。

有孚

睡起偶成二絕

清風枕簟水雲鄉。夢覺槐根百慮忘。起課山僮笑多事。飼魚跟藕摘蓮房。松竹平隄飯後行。眼前幽事總關情。忘機魚亦如鷗鷺。能識溪僮扣檻聲。

可翁和

衰病天教遠帝鄉。君恩一飯詎能忘。但愁今日人輕議。世有赤松無子房。舍則宜藏用則行。聖人於世豈無情。強顏欲鼓齊門瑟。何似圭塘欸乃聲。

楨和

乞得西園作醉鄉。浮生俗務總相忘。水雲清徹荷香裏。小艇虛明似洞房。賦詩舒嘯杖藜行。水色山光不世情。醉臥午窻誰喚醒。柳陰啼鳥兩三聲。

有孚

卽事

理檻存茶竈。維舟過酒缸。水光浮北棟。花影在西窗。行樂時休失。高飛氣未降。相看終不厭。庭檜拂雲雙。

可翁和

秫田秋半熟。香入小磁缸。霜水清浮簟。烟嵐翠可窗。酒添詩癖重。茶戰睡魔降。小問登山屐。吾生費幾雙。

楨和

暎水花明樹。浮香酒滿缸。上書辭北闕。寄傲倚南窗。處世心無慊。論文敵已降。圭塘有溪友。國士任無雙。

有孚

圭塘雨後督修堰歸坐嘉蓮亭有感 十一日

睠此三洲水。功輸一歲勤。陰留西圃樹。清度北溪雲。花竹環隄上。亭臺錯水濱。每勞賓載酒。時與客論文。值雨天相戲。修防事又殷。橫流誰紀極。岸場我匪垠。水底升舩子。泥中出此君。庀徒紛畚鍤。竣事幾朝曛。汲汲同援溺。憧憧劇拯焚。感時空付恨。對酒豈圖醺。輕薄雲中手。艱難鏡裏勳。學方知有道。境已入無聞。覓句期靈運。攻書擬右軍。杖從鄉老植。席許野人分。調燮功攸屬。浮沉意不羣。歸來理細帙。剔蠹拾香芸。

可翁和

嬾是平生癖。歸田始克勤。灌園時汲井。學稼曉耕雲。窻取山千疊。舟巡沼四濱。倦遊當稅駕。勇退免移文。誰識予心樂。都忘俗務殷。圭塘清見底。銀海浩無垠。潦倒惟營口。迂疎愧致君。天開方外境。塵見隙中曛。酒欲連宵飲。膏須繼晷焚。讀書嗟坐廢。娛老卻宜醺。園綺知高祖。巢由負放勳。至人先大節。餘事及多聞。

詩少慙工部。鞋多笑領軍。郊原輒歲計。風露逼秋分。且曳泥中尾。休空冀北羣。崇臺還一上。萬物正芸芸。

楨和

山人新學圃。要慰一生勤。方沼瀦清水。平田種白雲。紅蓮迷水面。青草亂溪濱。有客須沾酒。無錢每鬻文。山中緣已定。池上事徒殷。小艇通山鳥。新詩動八垠。輕風宜桂櫂。鳴溜合桐君。淨室凝爐篆。斜窗映隙曛。荷杯方適用。芰製莫輕焚。欲發詩書輶。仍須麴蘖醺。儘修閒事業。休論舊功勳。流水心無競。蠅聲耳不聞。迹追裴相國。詩擬鮑參軍。天宇雲無礙。溪橋路細分。寒梅在花部。野鶴整雞羣。萬卷書無恙。收藏更種芸。

有孚

鄉友具宴謾成 十三日

樂意相關好鳥鳴。可憐歌舞謾多情。日斜山氣如雲氣。風急松聲似雨聲。落魄不違鄉社飲。棲遲須結歲寒盟。圭塘活水清如許。不獨滄浪好濯纓。

可翁和

相望不隔一牛鳴。尊俎過從見至情。荷露清涵芳酒氣。松雲寒遏艷歌聲。高車駟馬初無意。白酒黃雞舊有盟。醉脫烏紗從露頂。絕勝前日縛塵纓。

楨和

不平常欲以詩鳴。詩友還能識此情。一座笑談皆有道。滿前圖畫豈無聲。雞豚已逐聯鄉社。鷗鷺何妨締

舊盟卻笑終軍苦多事。不攻經籍請長纓。

有孚

侍兄赴圭塘

時出西門履信坊。望中楊柳是圭塘。軒車每被兒童識。風物能令杖屨忙。山客荷囊多草藥。溪人抄紙滿鄰牆。年來頗識幽棲樂。愈覺林泉興味長。

可翁和

卜築何如履道坊。千紅萬綠浸銀塘。要回衰境爲全盛。卻使閒人號最忙。活水清園容膝屋。新篁高出及肩牆。烟霞遮斷塵埃路。才覺山林白晝長。

楨和

清晨走馬碧雞坊。點檢西園數畝塘。花柳前川成自樂。輪蹄終日爲誰忙。釣魚岸口迎新水。沽酒鄰家過短牆。半醉莫催翁命駕。月明松影引杯長。

有孚

嘉蓮亭宴罷奉陪泛舟夜分始歸賦詩三十韻是日之宴渤海縣尹吳安之以使來具也 閏七月

二十一日

池亭秩芳筵。落日船始放。晴空散餘霞。秋水淨氛塊。高荷雖離披。尙爾綠彌望。舉豁成壁池。不礙雙漿盪。

縈紆湛澄碧。天宇益虛曠。石竇來驚湍。松隄俯新漲。鼎立洲嶼連。沿洄時一傍。飮餽羅珍羞。傾倒出奇釀。侑以二名姬。朱絃倚清唱。凝雲響空翠。幽禽或詡誦。所愧杯行遲。負此百川量。須臾羣動息。露氣白沆滂。洒然毛骨輕。不獨情緒暢。鐙火空蒙中。彷彿江湖上。陋彼西園游。飛蓋何冗長。云胡漢陂行。亦復怯風浪。而我方扣舷。馮虛恣搖蕩。吾兄嚴鄭流。高節張邴亢。少飲如醉翁。浮此齋畫舫。頗恨交游稀。每每折輩行。遂令子弟間。日侍履與杖。樓船憶當年。樂事炊一餉。望洋失所操。伏櫪今在鞅。靜言校疇昔。所得多所喪。與從天上人。何似山中相。但恐時易失。俯仰異欣悵。銀漢淺且清。神槎喜無恙。人生貴適意。前修語非妄。榜人報更闌。列宿光蕩漾。故舊東海頭。何當剡溪訪。

可翁和

膠榮四十年。弛擔甫天放。雖云在人境。心遠絕塵塊。況茲游聘地。秋色入四望。草木已向榮。雲水自相盪。窗虛得山多。臺高知野曠。清泉來汨汨。節制無暴漲。何須過前川。園有花可傍。玉肪薦肥豨。銀漉注新釀。時貴孺子歌。底用小海唱。龜魚共游詠。鷗鷺來翹翹。賓介亦何常。小大各有量。子房屈圯下。高祖隱芒碭。君臣倏際遇。功業驚洽暢。挺然三杰中。奮乎百世上一。朝事辟穀。身外物皆長。乾坤任俯仰。形骸貴放浪。萬事雲悠悠。一笑天蕩蕩。鸚鵡謝累百。薦龍成上九。兀兀人生幾兩屐。芒屨乃兩舫。徒令方寸心。戚戚復行行。吾年今如此。出入必扶杖。故人念衰老。千里牲酒餉。向鼓烟波柂。永稅塵俗鞅。境勝夢俱清。位失道未喪。誰言管城子。初非食肉相。興來使陶寫。形役豁惆悵。苦吟尚作祟。樂飲不爲恙。攸往免大過。勿樂喜無妄。

厭厭詎可極。明河月溶漾。庶足充淹留。還如李公訪。

楨和

謝事居山林。居隱言不放。幕天豁蒼蒼。席地從塊塊。魁然保身誓。肯作延頸望。舟從范蠡遊。誰復求慕盪。酬驩酒有時。度德官無曠。方沼維莫秋。清波縮寒漲。菰蒲相媚嫵。魚鳥自依傍。溪友薦新鯽。長須沾村釀。時聞塤篪鳴。三歎應一唱。賓鴻方叫羣。歸燕尙翻翮。有此家山樂。不較江海量。朝來試拄笏。爽氣亦何碍。清供既已多。幽情自足暢。雖居城市間。宛在羲皇上。禮法貴真率。服食戒侈長。平生事直道。所遇非孟浪。風景晚舒徐。郊野莽寒蕩。里氓新相知。知我匪蹇亢。清風動綠漪。明月滿歌舫。竹爲君子交。梅作丈人行。圭塘策枯藤。不用錫几杖。散步遵微行。晚食謝餽餉。水濱擗弭楫。沙頭時掉鞅。險語從鬼泣。斯文未天喪。遙遙東山遊。復見風流相。千仞立巉巖。衆目駭怛悵。清泉與白石。膏肓特徵恙。蹤跡諧四休。思慮絕諸妄。洗耳就潺湲。拭目明滉漾。西山景更多。佳處時一訪。

有孚

偕故人趙寬齋胡安禮奉陪泛舟

八月七日

錦幔高張綵纜收。畫橈徐動浪花浮。招呼版築霑餘酌。

下方版築。舟過其下。輒灑飲役者。

收拾綸竿作爛遊。垂柳如雲藏

一島。小橋成徑接雙洲。洞簫休品江南曲。風月難忘赤壁秋。

可翁和

駭浪艤歸百技收。回頭人海自沉浮。幽閒時作蕩舟劇。疎懶猶能與客遊。紅蓼白蘋鷗鷺國。清風明月鳳麟洲。諸君更約源源會。不泛黃花不算秋。

楨和

碧天如幕晚霞收。觴詠從容勝拍浮。去歲已爲亭下飲。今朝宛在水中游。玉杯酒映紅雲島。宮錦袍明白鷺洲。更看波光涵月影。人間只尺是中秋。

有孚

雨霽冷然臺觀山 十三日

連朝雨云虐。今日山卻好。走馬向圭塘。忘餐事幽討。拾級崇臺雲。散策芳徑草。嶄巖太行巔。隱約林慮道。巘岫紛獻奇。高低翠如掃。平生頗樂山。肯信玄髮縞。開襟納浮嵐。俯檻看飛鳥。不有冷然臺。孰覺趙魏小。可翁和

輕風水無波。落日景逾好。馮虛思橫生。萬象因搜討。窮幽眼未花。得意詩不草。勿謂城郭近。下有往來道。心遠地自偏。興來無灑掃。收藏千鈞弩。莫用穿魯縞。悠悠歎浮雲。翩翩羨歸鳥。一任坐井徒。譁然說天小。楨和

秋容在新晴。風物事事好。山色可攬掬。詩料助深討。西風響疎林。晚烟接衰草。前溪有小舟。何處訪安道。蒼苔淨可坐。落葉從不掃。松下鶴昂藏。袞玄復衣縞。西山列畫圖。圭塘富魚鳥。願進一簣功。真使衆山小。

有字

記塘上草木二十四首

雙檜如雙虬。天賦形天矯。蟠根九泉底。挺秀重雲表。昨夜聞風雷。走視寧待曉。慎勿變化去。須君鎮吾沼。
七松何山來。亭亭此焉萃。託根在林塘。實與泉脉會。人生無百年。撫倚成永嘅。珍重明堂材。我但觀偃蓋。
曲徑通池亭。有此一隄竹。瑣碎影搖金。琤琮聲振玉。高歌淇澳詩。宛若淇園綠。君其亟走鞭。主人厭梁肉。
亭前四梅樹。來自江之南。易地不易性。培植吾所甘。調鼎本無心。儼木何用慚。且圖慰幽獨。松筠成友三。
何年植此柏。嘉與雙檜鄰。霜雪助孤勁。雲烟護輪囷。葉香來彩鳳。影曲驚潛鱗。服食吾不暇。歲晚見天真。
文楸如青幢。陰覆釣磯濕。又如紫蓋縣。高花間紅碧。持竿憩其下。烈日爾吾羸。猶勝析爲枵。飽食事博奕。
屋角有老杏。枯枝若枯槎。春風一披拂。蓓蕾團丹砂。董園欲種德。花落不用嗟。尙憶曲江宴。我園同此華。
婆娑合昏木。枝葉方敷榮。卷舒爾無爽。栽培我有情。紅蕤間層綠。團欒若繁纓。未能傳嘉樹。且飾鳴珂行。
老樹凍留根。生意今始穿。薰風能作花。猩紅日爲眩。結實尤可人。纍纍采色絢。好是無車馬。清澈安石院。
朝陽香霧裏。風清露未晞。佇立若凝思。鬱金捲仙衣。對之不敢褻。冠佩澹忘歸。何以明高潔。圭塘竹目暉。
粲粲白玉簪。墮自天仙髻。幻作奇絕花。清香偶蘭蕙。蛻形冰雪窟。脫身脂粉磴。云胡不自持。終焉莨菪桂。
芭蕉葉可愛。移根神廬阿。題品待詩客。未許僧占多。莖絲真適用。花異柰俗何。幽人亦分綠。用寫考槃歌。
雞冠子甚微。造物巧成就。植立意欲騰。怒長勢如鬪。軒昂自避羣。尸鄉莫吾購。永懷鈞天庭。絳幘唱壺漏。

環池有異莧。紅壓珊瑚樹。亦有間鵝黃。絢爛五色具。蔬品爾最微。點綴秋獨富。但恐西風高。萎爾在霜露。
西蜀神仙花。住此圭塘上。春深風日暄。睡足錦圍帳。佳人在空谷。詩翁有藜杖。不須秉燭觀。吾方稅塵鞅。
叢條宛如荆。作花蠟爲胎。茅簷曝冬日。亦復凌寒開。偶以臭味似。冒名百花魁。綠葉夏可薦。寒泉時一杯。
郭西雪一株。王郎爲移枿。月明小院春。生意孰可遏。粉香花漸衰。紅消實堪掇。繞樹笑文園。何由更言渴。
青葱環塔草。花發始知萱。芳莖挺孤秀。煌煌勢如騫。鳳兮何德衰。比擬或失言。主人酌酒罷。嬉笑弄諸孫。
園丁笑麤俗。勝地乃栽桃。紅霞條如雨。作實償吾勞。化工有深意。盛時隨所遭。易落還易長。吁嗟吾二毛。
西隄有穠李。照夜雪千堆。縞裙垂練帔。宛若盧家來。笑哦韓蘇詩。耻我筵前壘。醉後挂冠臥。花神莫吾咍。
種菊遶圭塘。花發秋欲莫。露零沾壺尊。清香隨杖屨。我非隱逸人。卻與花有素。行看根入池。化作甘谷注。
明窗臨晉帖。馳伴覓來禽。栽培日以茂。用比雙南金。但看花實時。粲若錦繡林。鳥食吾不惜。毋令蠹其心。
灼灼紅燈花。揚州佳麗種。主人舊使君。當塔自培壅。憶昔金帶圍。花曾兆榮寵。歸來老園中。相顧腹一捧。
層臺秩名品。幃幄綿繡張。匪徒事富貴。花尊有姚黃。歐嘗記洛俗。坡亦懷錢塘。花於吾有助。醉墨灑天香。

可翁和

吾家青牛君。伯仲龍矯矯。不似丁令威。暫來立華表。鬼神護斧斤。風霜幾昏曉。摩娑左細文。曾見陸爲沼。
徂徠以多賤。吾圃斯拔萃。遠從他山移。清與幽境會。樂天才四十。栽爾已興慨。吾年六十三。方期翠蓋蓋。
長公有名言。不可居無竹。僕僕斲蒼苔。森森植寒玉。聲來書幌清。陰入酒杯綠。何須更晚食。此君應當肉。

春風爲花魁。先路來枝南。但憐結成實。能酸不能甘。世白不可口。根在吾何慚。年年共歲月。華我徑三三。蒼官昔多事。乃與羣鳥鄰。何如在圭塘。亦勝居神困。老根已作石。霜皮不成鱗。不用歎不遇。參軍能寫真。朝來花斬新。暮雨墜紅濕。藤蘿助奇觀。羅幙層層碧。昌黎性苦隘。政爾要蒙羈。一笑問秋乎。還能誨人奕。枯樹影在水。浮動如仙槎。昨日春意鬧。今朝雪滿沙。榮悴等兒戲。老懷無歎嗟。作實助殺核。明年還看花。有木知尙時。手植日向榮。無忿底用濁。聊用寓野情。亭亭矗翠葆。穆穆散紅纓。青裳勿異字。姑以合歡行。濃綠千萬枝。火齊中貫穿。山人晝眠起。銀海日俱眩。燥吻行可濡。寒裂紋玳絢。無賦繼殷元。虛塵翰林院。曉涼振弱體。月墮東方晞。香塗漢宮額。潤展華陽衣。應朝通明殿。金杯承露歸。道妝豈予媚。池影動清暉。司花琢清貞。不掃幽人髻。叢爾草堂陰。香軋百畝蕙。月露映冰壺。美芳積磴磴。著我沉水鄉。庭前更叢桂。披披青羅扇。敷陰圭塘阿。夏窗雲影厚。秋枕雨聲多。聊復爾風霜。其若何。休教近湖石。掩映美人歌。異草非卵生。綵纓殆天就。驚風振細葉。宛若三市鬪。赤幘不煩憎。縛賣孰爾購。因之記昔年。聽聲趁待漏。雨後叢甲生。俄成尋丈樹。誰名雁過紅。綵纓無不具。環池爛雲錦。吾圃賴爾富。呼酒亟賞之。秋光欲寒露。花仙何許來。嫣然立沼上。香露羃曉妝。濛濛九華帳。勿令苦幽獨。就賞時策杖。秉燭夜莫歸。春去無羈鞅。蜜脾擣蒼蘆。成此佛而胎。黃中色可尙。况在雪裏開。盜名匪獨我。伏神出芋魁。幸無鼎調實。聊用侑山杯。園丁功力深。春榮到由枿。花開更月明。浴浴白雲過。紫實待含津。囊承躬采掇。莫羨鄴侯燒。且浣長卿渴。人生念慈親。堂塔多樹萱。忽隨靈椿化。冥莫俱高騫。此憂詎可忘。肝摧不能言。對花聊自慰。白頭還抱孫。

昔人避秦亂。川源多種桃。我幸遇明世。栽培胡自勞。看花食其實。爲圃豈不遭。疎嬾強鞭策。猶勝宅不毛。清夜遊西園。磴磴白雲堆。東風苦愛惜。不遣過牆來。何須領張徹。且復傾我壘。茲焉不省錄。寧免長姬咍。人間隱逸花。開發宜遲莫。三徑連松陰。百繞穿葛屨。秋容淡籬落。寒香入毫素。掇英泛濁醪。益甌親挹注。作甘最夏果。其奈招衆禽。禽啄吾不惜。曷酬儻地金。呼童日鷓護。青紅猶滿林。禽飽人亦飽。於焉獲我心。造物眷花王。擇后降嘉種。英華得既多。加以人力瘞。楚楚御衣黃。遂冠羣芳寵。羣芳各有匹。勿用曠而捧。開元得四本。花本茲焉張。衆色各有態。世獨推其黃。我非富貴者。胡爲植羊塘。天教風露夜。受用一庭香。

楨和

雙檜立不倚。是謂強哉矯。栽培歲月深。挺出風塵表。正氣凌太虛。老翠宜清曉。毫宮今何如。且復安此沼。竹樹滿池臺。松乎拔其萃。根與土相安。心與景俱會。撫之足盤桓。秦封成一慨。相報爾何速。裨暑不張蓋。生平僻好幽。所至必求竹。特開數畝田。種此萬竿玉。篩月清影碎。出牆新梢綠。歲晚淡相看。何妨食無肉。圭塘富春意。盎若庾嶺南。策杖時一觀。忍凍吾所甘。自是百花魁。豈但桃李慙。夜來雪有月。照見花兩三。池上有老栢。風烟爲四鄰。出根堅似石。挺質圓如困。鸞鳳方託宿。蛟龍未蛻鱗。材大爲用難。何如任吾真。擇勝植佳木。池邊地宜濕。化作萬庭花。先看一庭碧。春風播馨香。曉霧爲蒙幕。休羨千戶侯。富貴劇如奕。仙家杳何許。欲訪無靈槎。春風如鼎竈。滿樹出朱砂。明朝成白雪。幻化益可嗟。一笑勿多語。孔壇萬年花。舍前植奇樹。不日見滋榮。合驩且合昏。有色復有情。晴烟蔭幢節。輕風颺綵纓。莫飾黃金勒。幽人方獨行。

愛此安石榴。翠樾受紅穿。照眼眼欲迷。爛若火雲眩。簪擬宮髻然。栽入舞裙絢。時見子初成。蒼苔滿深院。園中有黃葵。含露待日晞。玉人宿醒起。澹妝安道衣。戲把流黃杯。西風醉忘歸。檀心不自揜。盡展向晴暉。素娥宴仙家。醉歸鬆寶髻。遺簪孕作花。清芬不讓蕙。夜涼小窗陰。回風轉香磴。相伴何人斯。古香有老桂。芭蕉我所愛。移植庭之阿。綠草封事少。羅扇清涼多。秋窗一夜雨。繁響如愁何。明朝就葉上。寫我長短歌。有草如雄雞。赤玉巧琢就。不聞長鳴聲。樹立若期鬪。衆葉方離披。千金不可購。報曉弗用爾。高眠謝更漏。腸胃喜藜莧。培植乃成樹。紅紫葉爲花。青黃天爲具。矮籬秋意深。小園晚景富。鴻雁殊未來。西風送清露。我愛花中仙。時時到池上。風破臙脂粒。烟作雲母帳。睡足曉光遲。幽人方倚杖。何用遊西川。吾園堪掉鞅。銅砌黃金塗。中色爲胚胎。不用校名實。俱是東君開。幸廁丈人行。敢作羣芳魁。何妨對磬口。時復傾金杯。微雨濕鉛華。芳妍滿槎枿。東園昨夜風。飛雪不容遏。小圃未闌珊。佳實行可掇。人生幾清明。一醉忘饑渴。人生有所寓。北堂惟蕤萱。翠莖裊鶉鶩。丹葩驚鳳窠。芳潔擬蘭蕙。忘憂復何言。宜男更有驗。常伴竹生孫。武陵不可到。吾圃自宜桃。作實可立待。區區匪徒勞。蒸露紅縹緲。流水紅週遭。便須酌醇醉。萬事輕鴻毛。晴雲映樓李。萬事繁如堆。葦綃暖日透。縞袂香風來。搖落亦可人。紛飛入尊罍。肝膽醉不邪。恐爲玉川吟。種菊滿東籬。徘徊風景莫。采之不盈掬。草露濕芒屨。無酒只餐英。安分行吾素。懷哉斜川人。停雲目空注。嘉果味何甘。得名因致禽。美質瑩如玉。朱砂點黃金。芳譽留晉帖。作貢稱文林。青李勿相違。作詩寄遐心。當塔種芍藥。美麗非一種。紅紫鬪嬌艷。風雨勞蔽壑。甘作春光殿。乃專衆芳寵。對花當若何。金鍾日須捧。

花王元富貴造物更鋪張。列檻紅間白。擅場紫配黃。吾園足花品。獨爾張林塘。今日好風色。滿天吹暖香。
有字

池亭苦雨松竹皆黃書事

驚見黃萎及七松。徑旁竹亦不能叢。怨咨固是小民罪。位育誰虧大化功。濕氣連天雲易雨。秋聲撼地日
恒風。圭塘草木渾閒事。可惜郊原禾黍空。一作挽回生意須開覺。晚節冥冥藉太空。

可翁和

誰教淫雨害吾松。更偃窗前竹幾叢。晚景盤桓方取友。經年培植已成功。堅貞未許移天性。光霽行將藉
曉風。珍重歲寒心自在。却馮孤月照霜空。

楨和

點綴池塘藉竹松。松方挺挺竹叢叢。上天何事連朝雨。老圃都淪一歲功。生意此時須曉日。秋聲何處是
西風。歲寒節操誰能易。三徑佇看青滿空。

楨

圭塘草木續詠六首 井序

從父都司先生記圭塘草木詩二十四首。句精意足。體正法嚴。楨也僭和嚴狎。具稿既進。而竊有疑焉。夫
仁人君子之於物。雖小大不同。所以與進造就之心則一。圭塘草木皆先生培植之功。草木之獲至圭塘。

亦皆先生進拔之力也。然有不得在吟詠之列者。豈非以圭塘唱和嘗及之耶。抑亦有所遺忘耶。梅也。松也。竹也。柳也。荷也。嘗及之矣。而梅松與竹。今茲又蒙專詩。柳與荷不與焉。况若槐之植德。桑之濟世。椿之靈壽。榆之適用。而皆棄之。六者有知將有憾也。謹續爲六詩。共前爲三十詠。僭妄之罪。伏于寬恕。教誨斥正。又有望焉。

昔人植三槐。百世猶青青。所貴德充符。豈但陰滿庭。黃花兆舉子。厚蔭生公卿。不見王祐家。坡仙有堂銘。有地悉栽桑。豈但樹牆下。修條蔽麥隴。綠葉茂槐夏。欲作成都謀。敢比齊魯野。老人無贏餘。衣白樂鄉社。我觀木有椿。何異人而仁。仁者必有壽。此木宜千春。栽培幸成趣。佳兆在主人。主人信不俗。植桂爲之鄰。我山隰有榆。移植圭塘上。歷歷近仙家。夾道起尋丈。春火生青烟。晚景尤可尙。莢也雖無才。不似楊花蕩。此柳何風流。栽插徧庭院。才抽綠玉條。便散黃金線。弱體不勝鶯。纖腰似飛燕。心事如淵明。但比五株羨。引泉瀦爲沼。種藕才一年。紅妝映翠蓋。水晶宮裏仙。凌波踏明鏡。捧擁來三千。應同娛野逸。莫教閒酒船。

翁用楨韻

涼颺動空碧。修枝振高青。張幄却炎暉。交陰可中庭。不煩位三公。政爾宜冷卿。南柯莫記夢。陋室方爲銘。幽人非浮屠。日日戲桑下。愛其濟世餘。重綠芘朱夏。昔賢事游觀。竹木萃綠野。繼踵吾不能。但入老農社。靈木享遐算。異質稟至仁。後先八千歲。才是秋與春。蒙莊發揮後。塵世閱幾人。吾材實樗也。賴得爾相鄰。託根鄉社間。遠跡關塞上。春莢羹萬錢。大勝負方丈。東隅何失之。收之敢高尙。歲晚澹相看。萍蓬謝飄蕩。

依依裊長條。漠漠迷小院。縈風輕作綿。穿露巧如線。不復管別離。招鴛更留燕。會看成車蓋。吾圃有餘羨。華部愛君子。移栽未逾年。生意自鬯達。主人豈花仙。初日爛雲錦。靡自知幾千。遠觀敢褻翫。柳陰維小舩。

叔和楨韻

高槐殊可愛。密葉屯雲青。閱市遊胄館。過位揚王庭。秋風遣作花。植德資墨卿。得意十二街。斯語心當銘。樹桑五畝中。畦流遶其下。遠揚看深春。沃若羨初夏。願言敦本心。毋使質勝野。勗哉王道成。雞豚樂吾社。圭塘挺嘉植。雨露涵深仁。一株尙未老。八千有餘春。陋彼擁腫樗。娛我逍遙人。託根况得地。寶樹爲芳鄰。晚年樂枌榆。好景更池上。夾道不成籬。清陰邇函丈。改火歲所資。食皮何可尙。勿逐春風顛。青錢給游蕩。春從何方來。綠我楊柳院。東風巧亦甚。搓條盡成線。願學柴桑翁。幽居樂閒燕。飛絮任爲萍。樊圃折其羨。愛蓮比君子。鑿池憶當年。風月夜光霽。靜對凌波仙。亭亭葉無數。粲粲花幾千。花嬌葉可製。寧詫藕如船。

有孚

憶梅

十二月四日風雪大作。時在陸州。

爲憶圭塘四樹梅。不知別後幾枝開。狂風惡雪忽如此。嫩蕊疎花其殆哉。青女未能將暖至。翠禽端爲問安來。歸期只尺春光好。慰藉冰肌有玉杯。

可翁和

孤高貞勁愛江梅。歲歲凌寒雪裏開。疎影在窗雖偶爾。暗香來座本奇哉。西園老子巡簷去。東閣佳人竟

句來莫聽高樓風外笛。且教檀板侑金杯。

楨和

河北高寒少見梅。年年吾圃有花開。深紅淡白非徒爾。對飲狂歌亦快哉。京國故人成夢想。鄉關驛使寄書來。歲寒冰雪相看處。卻似同持瑪瑙杯。

有孚

不寐有懷圭塘明日遂行

初九夜

幾夜陵州枕。圭塘入夢思。凍消梅早放。春近柳先知。涉世元無策。還家賴有詩。促僮勤秣馬。詰旦是歸期。

可翁和

去我才旬日。渾如久別思。劣兄恆在念。難弟亦還知。且飲團團酒。徐觀跋涉詩。梅邊松竹茂。好共歲寒期。

楨和

極目鄉關遠。臨風有所思。莫疑歸太晚。祇恐負相知。縮地思奇術。懷賢和舊詩。石鯨流水處。餘響付鍾期。

有孚

十二月廿又二日。觀雪冷然臺。城郭山川。四顧清爽。小兒誦東坡先生聚星堂詩甚習。殊可樂也。

因憶馬明初云。往歲德常杜左司。嘗與諸公和之成巨軸。然皆不及一見。僕則不敢言和。但對景

乘興。謹用其韻爾。僭越之罪。觀者恕之。

花飛六出亂無葉。冷然臺上偏宜雪。茫茫大地迴無塵。渺渺予懷正奇絕。山容喜從天際改。竹聲時聽池邊折。相知更有灞陵翁。長途不信人蹤滅。平原饑免巧踰藏。空闊蒼鷹飽飛掣。小兒忍冷從吾觀。楚楚羸裘蒙采纈。坡詩誦得聚星堂。字字珠璣飛玉屑。懷賢撫景慷慨生。歲月堪憐去如瞥。豐年但願太史書。故事須從汝南說。歸來舉似宋廣平。卻笑梅花心似鐵。

時梅皆凍損。

可翁和

松花仙釀香浮葉。卯君醉詠冷然雪。停杯撫景誦其詩。韻與天花兩高絕。移床坐對西湖仙。然吟不覺冰須折。恍疑身在瀛海中。得句驚寒塵空滅。懷賢未免失自量。轆線長鯨溟渤掣。天孫絢爛雲錦裳。小點難儕江表纈。呼童掃付石鼎融。調我療饑雲母屑。憑高凝睇縱遐觀。正爾龍公自飄瞥。當時後學俱云亡。左司巨軸知何說。效顰自笑亦續貂。始信心腸非石鐵。

楨和

朔風捲地飛雲葉。山川一夕埋深雪。冷然臺上望眼迷。大地茫茫正愁絕。西崦深藏茅屋低。高崖寒壓松枝折。雲間日脚漏光垂。沙尾山腰互明滅。簑笠漁翁獨釣歸。村館青旗風颭掣。一段清奇畫不成。衰顏得酒紅如纈。書窗忍凍拾枯薪。庭除泥濘陳木屑。樹杪饑鴉晚羣噪。平田脫兔時一瞥。豐年有兆喜欲顛。模寫成詩費滕說。呼童沽酒當一醉。巨筆如椽鋒似鐵。

馬熙

圭塘補和井序

欸乃既歌之明年熙如京師。可行泊楨日侍安陽公。觴詠圭塘。更唱迭和之語。詞凡二百四十有九。又明年楨來京師。熙始得伏讀全集。大篇雲行。短章泉流。無非樂日用之常。而憂國憂民之實。亦未嘗不默寓其間也。楨聞詩趨庭。日有新益。而熙乃以抗塵走俗。不得與於斯文。愧可勝言耶。然可行序引有張本同聲之說。固欲援之入社。今雖未至。未必峻拒之也。於是忘其蕪陋。勉強補和。得詩七十八。詞八。錄次左方。惟二先生進而教之。

可行圭塘雜詠廿四首

作樂導水

水生天一本微陽。樂以充陽落此塘。伐鼓三聲泉破甕。和鈴萬舌發中央。

擣妓落成

省事山翁許鶴隨。燕鶯奔命爲誰疲。情知欸乃多幽事。不付樵青付雪兒。

柳下聞鶯

出谷遷喬早致身。友生求舊復求新。不因萬樹黃金縷。肯向園亭漏洩春。

舟中對鷺

篷羽曾聞雜袞裳。圭塘今見雪凝妝。詩家物色無逾爾。身與虛舟已兩忘。

荷觴酌酒

輕柔圓淺勝琉璃。珍重山人有當卮。若刺玉簪成象鼻。翠濤雖滿不淋漓。

蕉葉題詩

少公飲量過三蕉。詩思如抽岱嶽毫。百摺翠雲題欲徧。獨留心葉待秋高。

荷淨納涼

凌波萬綠可吾牀。水國風來體亦香。焚製裂衣殊未暇。從教鄉原笑涼涼。

開窗看雨

洞房編葯屋編荷。八面玲瓏得月多。誰遣天瓢灑雲過。嫩涼扶我入無何。

松陰獨釣

露髮雲花落繡茵。一竿聊復坐忘真。大夫亦記當年事。風雨中宵念穎濱。

與客泛舟

叩友相須欲鼓橈。那堪舟子亦招招。喚回千載江湖夢。雲際參差起鳳簫。

日夕觀山

金牖儀刑盡翠巖。自移一榻將晴嵐。山中雲出乾坤雨。恐有賢書到水南。

西隄晚眺

偶然隨柳涉飛橋。淡本無心與泊遭。落日蒼烟橫白鳥。西山秋色兩相高。

雨中移竹

移花嘗築避風臺。移竹應難就日栽。此日相邀愧泥濘。明朝冒雨試重來。

月下觀梅

雪後西園路踏沙。一枝曾挂酒壺斜。只今午夜扶疎影。卻屬山中道士家。

倚檻觀魚

洋洋圍圉校人知。慚愧公孫獨受欺。老子臨淵非羨汝。謂余不信質諸詩。

遶隄種菊

芳叢種與老仙看。春葉秋花不用餐。但使幽香入池水。年年初度酌甘寒。

竹間開徑

龍孫戢戢亂穿苔。道古端由翦伐開。不向此中常徑造。款門無處可裴回。

水口聽琴

琴忘流水水忘琴。琴水俱忘是我心。甚欲囊琴窅流水。柳陰趺坐聽希音。

獨坐投壺

競物無心每負壺。壺能負我亦堪娛。偶然中耳成驍箭。絕似檀溪躍的盧。

登臺縱目

疇隴從衡草樹低。西山東郭共冥迷。若論攬盡源頭水。合姓洄溪作許溪。

調白蓮始花

水鄉紅紫盡輿臺。獨爾懷冰犯日開。翠玉有詩無乃戲。卷雲須辨雪千堆。

調木芙蓉不花

欲搥騷鄉木未蓮。繞池分種待秋妍。都緣錯把東風怨。花似寒灰不復然。

調湖石

奇章三品藐巍巍。良嶽將軍視賜緋。何似野棲娛退傅。苔爲冠屨草爲衣。

聽箏

春纖無力發絃輕。助以半天風雨聲。詩客凌雲渾未覺。六經心醉有餘醒。

可翁酒間口號

塘肖圭乎圭肖塘。幾人勇退水雲鄉。韓優白劣都休較。凜凜清風不可忘。

楨侍飲圭塘

相下者英繼洛陽。詩如趙璧責秦償。二難獨擅文章氣。一字不隨時世妝。洗雨芰荷方出色。充庭芝樹亦

生香。黃塵烏帽予多愧。不共尊前此夕涼。

可翁太常引四首

園池多在魏公時。盛極自然稀。天遣可翁回。要扶起、臺傾樹欹。不須期。怕鞞似三司面皮。

圭塘如此。藕花無數。一笑領翁詩。帝里

園中風物水中亭。消得兩娉婷。濁酒卷荷傾。早洗盡、箏聲笛聲。挾雲輕。任膝上瑤琴自橫。

四隄晴柳。一天花氣。付與晚山青。飛絮

穉紅酣日照修筠。光景一時新。萬扇卻游塵。看出浴溫泉太真。識天民。問身到黃扉幾人。

榜中龍虎。班頭鷓鴣。無復困冠巾。花亦

露桃雲杏不勝穠。合讓水花紅。別種出林東。爲冰雪相看改容。待吟翁念疇昔時來一中。

洄堂雙釜。此時千葉。愁絕闕珠宮。貯酒

可翁圭塘獨坐四首

投老歸歟屢有年。西南況復罷籌邊。且容獨樂著司馬。何必五湖追計然。激濁揚清勤渫井。任輕求重懶芸田。悠悠此際誰能會。唱入漁家傲四篇。

近日征商法不塵。謀生徑欲買村烟。有泉得酒亦種秫。無錦可裳仍集蓮。和露任誇桃李鬧。因風不禁柳花顛。漫郎心事歌能寫。樂句從知在此舷。

園池多勝事。有問卽逍遙。祛暑衣蒙葛。揮塵扇卻蕉。波光搖屋角。樹影轉廊腰。何事西窗外。青山不受招。

水閣鄰亭小。隄回覺路長。烟霞鄰道院。花木勝禪房。漢狗烹韓信。秦雞脫孟嘗。客來如語此。未免滌吾塘。

可翁謾書

紫闥三年夢。圭塘萬古心。卓亭仍就日。寒向欲排陰。世路茫茫闊。天機袞袞深。倡酬詩百卷。誰遣到雞林。

可翁有舟

勿謂吾舟小。輕於太一蓮。能容茶煮竈。更載酒如川。有分投閒散。無心咎蹇連。若教仍濟險。須問水中天。

可翁大雨兩晝夜僮報墻仆而行茂

床床屋漏苦無乾。一夜周垣被水漫。生意盡歸叢竹茂。涉園須待日三竿。

可翁雨後觀竹有陘塾摧折者

雨前栽爾地猶乾。急雨排牆爾遽漫。愧爾蒼黃類夷甫。未能忍死待雞竿。

可翁新秋卽事

秋聲無適莫。一夜入松關。不待歌商頌。先期賦小山。閒情馮綠綺。機事失黃間。望斷雲林鶴。馳書久未還。

可翁秋陰

螢飛猶惡濕。鵲噪未聞乾。栽竹心逾遠。澆桃興已闌。有坊鄰履道。無路達長安。欲和陽春曲。詞華愧二難。

可翁漁家傲四首

香霧空濛烟縹緲。青歸林木先從杪。若采芳洲繫采沼。花事悄。幽情聊復忘魚鳥。鳥倦知還亭月老。魚

安淺碧吹斜照魚。若有言求直釣。秦吉了也。應能唱漁家傲。
八十鄰翁頭似葆。爲言環翠埋芳草。不似圭塘風物鬧。清晝好。來游往往逢郊島。
細浪粼粼風嫋嫋。柳絲柔直荷錢小。鳧短鶴長無用較。舟可擢。扣舷重和漁家傲。
涼入槐陰門巷杳。秋容次第歸蘋蓼。潦盡波寒亭影倒。征鴈早。一聲喚起江天曉。
菊外白衣殊未到。沙隄留得西山眺。何事水蓮花獨少。詩與調。倚風仍度漁家傲。
池上水枯垠岸峭。池邊雪霽無行道。三島遙遙心欲造。舟子誚。挈舟恐受堅冰笑。
遵渚一鴻方矯矯。告饑雙鶴從形槁。吾亦安能充爾操。惟善寶。歲寒歌徹漁家傲。

可行瑞蓮歌

休官林下堂名洹。觀魚今又師鄉賢。軒前未暇植他物。清漪萬頃花開蓮。
凌波仙子弓袖濕。御風毛女雲鬢鬆。就中一朵特獻瑞。蕊歧蒂並房仍連。里人傳繪筆幾禿。郡官趨慶門應闐。
三陳秉軸昔接踵。二宋射策嘗同年。當時豈無莖木祥。水花未必曾司權。平輿施□報未食。相臺雙桂宜光前。
歲寒勁節各挺挺。傳家經筭均便便。伯兮勳業在廟社。用藏功斂安受慶。季才本是棟梁具。胡不領袖稅與椽。
登庸便合踵舊跡。天公有語令花傳。洹堂嘉貺又繼出。慶源袞袞逾淵泉。階庭連理見玉樹。合驪不但瓜綿綿。
嗟予病減詩復病。探囊試藥猶未痊。誦公新句弗克和。飽觀紅日酣平川。

可行對景書懷

池上墮篋協四通。毋勞鍾木互撞攻。詩生流水行雲外。人在光風霽月中。路到迂時因避竹。垣從坳處更培松。世間何地無魚飯。此日委蛇勝自公。

可行睡起偶成

園池擇勝似江鄉。蕉鹿何妨爾汝忘。不是扣舷歌欸乃。更從仙枕覓山房。雲入茶甌自在行。風生竹牖更多情。石渠近日添新雨。膝上橫琴聽水聲。

可行卽事

載書逾十乘。儲醬乏千缸。竹影明窺戶。荷香暗度窗。對山方目擊。見客又心降。落日層臺表。蒼烟白鳥雙。

可行雨後督修堰歸坐嘉蓮亭

謝政從翁懶。持家有弟勤。鑿池通活水。築島駐行雲。柳外渠穿石。荷邊路迫濱。亭臺全尙象。花竹間成文。月碧秋仍草。星虛氣未殷。霖淫寧有節。洑洞遂無垠。畫舫齋居士。黃樓賦卯君。水平池見岸。雨歇日窮曛。竹塾芽新濯。魚飛尾舊焚。計庸書載具。犒役酒仍醺。境順多逢坎。時艱好策勳。一勞知永逸。萬事付無聞。折簡常招客。裁詩足張軍。樹容黃鳥並。屋讓白雲分。人樂宜居獨。天謀欲渙羣。明朝又興作。菊徑荷鋤芸。

可行鄉友具宴

石榴穿渠瀾瀾鳴。眼中幽事總關情。故人載酒不盡醉。好鳥隔花空有聲。但使軒扉常款客。不妨松菊屢尋盟。西風瘦馬長安路。說與山靈笑絕纓。

可行侍兄赴圭塘

年來夢斷鳳池坊。雲影天光有此塘。夜飲不辭歸路遠。晨興更覺攬衣忙。桑麻莽蒼接平野。機杼咿啞聞隔牆。忽有好詩生馬上。眼明雙檜拂雲長。

可行宴罷泛舟三十韻

仙舟夫何如。快逸且奔放。蒲帆濯沆瀣。桂棹卻氛埃。西塞辭玄真。甫里謝魯望。秋雲與飛揚。春波恣摩盪。濟人功已斂。橫渡職非曠。願陪山翁游。況值新雨漲。荷收知渚闊。花虛見雲傍。鄉閭速佳賓。渤海致名釀。影搖雙檜舞。聲發半天唱。柳鶯續紆餘。松鶴助詡詡。滔滔劇川吸。湛湛豁陂量。光迎東月皎。氣挹西顛瑒。聯句交彌明。請序接文暢。吾將出方外。彼亦可舟上。空虛名共逃。俯仰物無長。猶存一釣竿。欲破萬里浪。靈轟彭蠡澤。風擊黃天蕩。又虞險難乘。或致身弗亢。不如謝蒙衝。聊復娛此舫。旅酬賓主席。各逮子姪行。全交忠罔竭。尋盟信可杖。使乎杯勺免。翁以雞黍餉。神龍豈容象。天驥俄脫鞅。醒醉既兩忘。寵辱亦俱喪。茫茫跡大禹。表表州古相。休逸猶可追。觀魚已堪悵。更長幕無烏。月黑草有恙。孤篷憩雙槳。一夢絕諸妄。明當泝滄浪。高歌航漢漾。仍究圭塘源。乘槎洄水訪。

可行偕故人陪兄泛舟

紅衣落盡渚蓮收。容得虛舟日夜浮。二客從予非漫與。一尊邀子助清游。偶然憩息來三嶼。從此翱翔到十洲。欲賦櫂歌成慷慨。淡雲疎雨不勝秋。

可行登冷然臺觀山

林慮山本奇。臺上觀更好。宛如武庫開。事此軍實討。千矛插層空。萬戟立荒草。弓戈紛委地。盾劍光夾道。端能愁城攻。亦可詩陣掃。佳人澹相對。綸巾照雲縞。緬懷湘水湄。衡嶽配朱鳥。惜無冷然風。筆□祝融小。

可行記塘上草木廿四首

亭前雙檜立。枝曲能自矯。譬如直諫臣。抗論犯天表。氣含芝朮春。節礪冰雪曉。丹井有餘波。挹彼注茲沼。歲寒撫青松。觀此物情萃。不有蛟龍形。孰當風雲會。寧隨陶徑菊。日以荒自慨。不願汗秦封。爲作擎雨蓋。移家傍洄溪。辛苦嘗爲竹。植之永爲好。寸土如寸玉。逝從貧簪偃。化作渭川綠。中有鳳笛材。清音勝絲肉。昔年探梅花。攜酒過水南。今茲對池上。嗅香當清甘。楚騷雖見遺。吾林亦何慚。但恐和鼂晚。頃筐實餘三。柏壽以世計。當與泰初鄰。銅柯既盤盤。黛葉仍困困。雄姿挾龍虎。奇文間纖鱗。歲晚同節操。甚知丈人真。河濟富千樹。性本樂卑濕。釣磯有餘地。借爾油幢碧。繁霜剝其陰。忽若尊舉霧。致身安樂窩。猶能大觀弈。杏園千樹春。年年送仙槎。如遇黃扉人。飛雪漫隄沙。移根文茲土。開晚慎勿嗟。但願世其文。常觀曲江花。有木枝葉繁。葳蕤蔽前榮。作止每因風。離合非其情。名器不可假。假爾一就纓。爲爾解蠲忿。示我亦周行。若榴屯於春。入夏氣乃穿。花能醒醉眼。實可清瞑眩。點紅亦何心。要與濃綠絢。但爲宜男房。煌煌照庭院。黃葵本高潔。值此湛露晞。峨峨切雲冠。飄飄六銖衣。中色足自媚。吾將田園歸。佳人殊未來。忘言對斜暉。遙斜章甫冠。贈玉簪我髻。終當衣製荷。未可帳空蕙。茉莉如搔頭。配爾香細細。胡不來中州。而乃宅八桂。

甘蕉本靈苗。斷根出崇阿。狂僧萬猶少。道士一已多。中宵聽風雨。詩富如葉何。茫茫夢中鹿。倚窗聊寤歌。
秋花蟲雞幘。纓武凡幾就。蹙錦豈欲鳴。碎丹或能鬪。新詩繼歐梅。已受賈人購。譽予乏雄辭。雌伏愧屋漏。
吳興莪白莧。欲以清白樹。此種備五色。充庭當家具。葉披錦雲亂。實粲玄珠富。霜隕不足惜。明年有春露。
銜子定黃鵠。孰謂來海上。紫綿飛莫簾。纈暈點春帳。照妝待銀燭。追香負筇杖。明當走昌州。爾勿斷予鞅。
春風何許來。孕此黃玉胎。蜜脾不自斂。磬口何由開。以貌可梅僕。論香亦花魁。風味極不淺。吾當舉深杯。
天公琢瓊瑤。一夜綴萌蘖。遂令東闌雪。不受薄寒遏。淡妝何用洗。落英猶可掇。安得釘坐人。相與浣塵渴。
主婦治北堂。所植惟貴護。抗葉驚四垂。擢英喜孤窳。嵒含敝其功。無乃成卮言。當持忘憂訓。問我叔重孫。
何彼襍襍花。浩歌園有桃。陽和不擇地。人力寧施勞。舊植各天涯。或又玄都遭。惟爾足佳實。羞之配溪毛。
園林澹泊春。有此冰雪堆。赤日照未好。月夜須重來。逝將濯其根。致之洗與壘。顏色勿燥燥。恐爲梨所貽。
秋容爲誰妍。白衣來何莫。不惜尊中酒。恐負籬下屨。霜風掃頰紫。星月照黃素。采采晚節香。美人意方注。
花高枝滿蝶。實老田有禽。風日不貸春。吾囊已無金。誰將不譌豕。致爾來爲林。不有右軍帖。疇能沃吾心。
嘗徵廣陵花。腰金本無種。其當異人出。嘉瑞不可壅。西園有分根。新雨荷天寵。願披家慶圖。觴爲吟伯捧。
知花在根撥。培養異弛張。媒暖寘叢棘。穴蠹簪硫黃。主人本無心。聊復雲影塘。端誦康節語。輔車有餘香。

可行松竹皆黃

淫雨爲災及穉松。黃萎又見竹身叢。徒能醫俗不自療。謂可引年寧有功。外直尚持君子節。後凋終繼烈。

臣風人將大任多窮困其孰知之惟太空。

積圭塘草木續詠六首

面槐餘十年。老眼冷復青。萌蘖迸春雨。一一碩且庭。平生邁種德。不但保彥卿。我將茹其花。高誦休哉銘。國禮嚴公桑。蓋以勤率下。采采爲蠶供。衣被溥夷夏。何年樹獨樂。花竹共秀野。當令有餘帛。足辦里中社。惟木首五行。實配四端仁。椿又木之首。配時爲孟春。春當歲八千。此語聞蒙人。仁者必有壽。老境願卜鄰。仙家榆尙白。歷歷種天上。此地敏其青。豪末起十丈。蕪夷抱美材。胡爲食弗尙。戢戢風雨栽。生意尤浩蕩。杖屨迷柳邊。無乃似歸院。不如掉孤舟。泐隄纜其線。朝絮粘露蜂。夕條棲雨燕。與物同至和。天恩殊曼羨。鑿池得枯荷。斂迹不記年。一朝出淤泥。亭亭水宮仙。遙憐構巢龜。欲問歲幾千。便當從太一。暫借紅葉脰。相爲中原名郡。自昔多達官。貴人之居。宋廬陵歐陽子爲丞相。韓魏公作畫錦堂記。人到於今稱之。由魏公而下。雖懷黃曳組。世不乏人。求官簿問望。政事文章。一切烜赫於時。功成身退。又能歸享太平之樂者。則亦寥寥如也。御史中丞安陽許公。以經術起身。致位尊顯。卓爲一代名臣。晚歸相城。視聽不衰。闢園作室。引流種樹。日置酒賦詩爲娛樂。清風雅致。照映後先。歐陽記所謂少擢高科。仕宦至將相。富貴歸故鄉。築堂營圃。作詩以遺相人。一一皆似爲公言者。始知魏公之後。繼其美者。未必無其人也。然則圭塘畫錦之名。當相爲不朽於相矣。若夫公製作之妙。天下人人知所矜式。舊矣。是集又若老將用兵。百戰百勝。而從橫變合。無不如意。願區區者。何足以窺其營壘也哉。學生泮段天祐再拜跋。

安陽公以道德文章名重一世。及功成身退。相羊雲水之間。與松竹居。魚鳥游。暨其弟若子。更唱迭和。金石相宣。若身在六合之外。遠乎不與世接。其賢過於人遠矣哉。公於溥爲父執。都司君長溥年。事之若兄。國子慎少溥年。接之若弟。往者嘗拜公於堂。侍都司君於客次。揖國子楨於大門之外。未嘗不僂僂側辟。俛而服。仰而歎也。圭塘康氏之廢園也。當其廢時。過者不視。牛羊萃焉。庸詎知今日之遇乎。鑿之。薙之。築之。樹之。挈子弟而招嘉賓。圭塘遇矣。庸詎知後世之傳乎。非公則圭塘不遇。圭塘之傳。則有賴於欵乃也。與。至正庚寅孟冬望後二日晚。進龍門周溥頓首再拜謹跋。

唐國子司業楊侯。以年滿七十。白丞相去歸其鄉。朝之公卿士庶共稱其賢。昌黎韓子有文以傳於世。世以爲美談。御史中丞相臺許公。以年老。亦白大夫而去。當太行之麓。洹溪之濱。得地數十畝。築亭鑿池。深廣有度。樹以松竹杞梓。種以菱芡。夫渠水綠掩映。雖極人力。每雲收雨止。層巒獻翠。活水分清。儼若天鍾其秀。公率子弟或舟楫。或杖屨。蕩颺乎清流。徙倚乎亭之左右。更相唱和。殆無虛日。有欵乃一集。鳴於時。不知楊侯之去。有是樂否。今世士大夫宦游中外。老歸於鄉者。有之矣。得山川之勝。而燕游者。有之矣。弟若子俱能文辭者。則鮮也。公以明經擢上第。致位廊廟。佐天子出政令。幾三十年。膏澤被於民物者固多。諸福之美。萃於一門。天之施于公也實厚。相之人凡出處去就。一以鄉先生爲法。是集之鳴也。益著衆所謂賢者。又不得專美於昔矣。至正辛卯冬至前五日。諸生哈刺台再拜。

山川景物。因人而勝。因文章而傳。人品既高。文足範後。山川景物之得所托。而傳於久遠也。可必矣。中執

法安陽公歸鄉里作圭塘位置之巧。泉石之勝。松竹荷柳之繁。亭臺橋舫之具。西山如畫。公於良辰美景。挈子弟。招賓朋。觴詠其中。宛然香山池上也。觀物賦詩。殆無虛日。積久成巨集。圭塘之勝。遂聞四方。製作之精。人願矜式。不然。則圭塘雖美。孰能盡知。至正庚寅夏。文昇過相州。獲拜公於里第。陪杖屨一游。來京師。日奔走。思昔陪侍。恍若夢寐。癸巳莫春。至鯨川。訪尚書積素成先生。避后洹濱。御史於餘清軒中。適二公對方冊。談論驩洽。文昇從傍竊觀。則圭塘唱和集也。思得挂名集末。豈不榮幸。遂領歸旅邸。而手抄之。不自愧其字畫之荒惡也。謹以歸於洹濱。爲後游張本云。孟夏天台丁文昇拜書。

衛之詩有咏歌夫碩人之寬。而著於國風者。考槃是也。有以父子兄弟一家而皆善於詩者。三曹是也。然而考槃之樂美矣。徒託諸他人之詩而見。三曹之詩多矣。而其私情中紛。嫌隙相逼。不能以盡夫忠厚和平之樂。是皆得於天者或不於足人。有其文者或不足於實。於是而知中丞公兄弟子姪圭塘唱和之章。從容怡愉之思。蓋古今所僅見者也。中丞公世家相州。相州衛地。而三曹之舊都也。中丞公與其弟都事君。皆以蚤擢高科。仕宦中外。未嘗少休于家。所謂園林池榭之勝。優游野服之樂。徒形諸懷想。而寄諸渺茫。一旦兄弟同得以遂其情焉。則其同氣相親。同德相與。發諸歌詩。詞韻之間。自將宮商相宣。金石相和。大篇短咏。交唱迭和。有不能已矣。然則衛地之詩。此非尤備尤善于前人乎。雖然。發言爲詩。聲之和也。兄弟既翕。家之和也。以和兆和。將見如歐陽公所謂園間之草木。有駢枝而連理。禽鳥之翔集者。不爭巢而棲。不擇子而哺。豈特可稱於高陽許氏之東園哉。臨川黃昇敬書。

細讀圭塘唱和詩。流風餘韻想當時。東山絲竹閒方得。北海樽罍老更宜。亂後池臺渾索寞。夢中松竹亦參差。櫻輿不晚歸粉社。願校園丁築舊基。至正甲辰諸生襄邑趙恆書於大都南城之寓館。

昔宋張文定公齊賢舉進士。仕太宗朝。不十年拜相。致政歸洛陽。得裴度午橋莊。鑿渠通流。栽花植竹。日

與故舊乘小輿。攜觴游釣。嘗賦詩曰。午橋今得晉公廬。水竹烟花興有餘。師亮白頭心已足。四登五府九

尚書。今觀御史中丞安陽許公謝事歸。以賜金得康氏廢園於相城之西。剝闢朽壤。翦焚榛蕪。涼臺燠館。

古木詭石。間廁隱顯。復鑿池如桓圭形。號曰圭塘。公野服蕭散。乘櫻輿。時與畸人靜者。偕其弟若子。觴詠

其間。據幽發粹。更倡迭和。金石鏘鳴。累巨帙。題曰圭塘欵。乃公之弟可行時爲南行臺監察御史。與公皆

以名進士。顯宦中朝。清節雅望。輝映後先。子楨復以門功起太祝。供奉玉堂。其懸車之樂。視文定公宜不

多讓。而風流文采。萃於一門。蓋有文定公所不能及者。謹拜手題卷末。識歎慕之私云。諸生鍾陽張守正。

右中執法安陽許公欵乃集一帙。觀其所載園池之勝。游賞之樂。無非所以形容太平之風致。至於更唱

迭和。金石相奏。而律呂相宣。乃與其弟太常君洎子楨供奉出於一門。昆季之賢。并羣從之才。俊有非他

人之所與。明時國家人才之衆多。教化之隆洽。因是而可以槩觀焉。金臺王翰謹跋。

中書左丞安陽許公洎弟太常文章政事名滿天下。每嘗想慕風采。至正甲辰。愚叨掌故。得親太常公。一

日出示圭塘唱和詩集。迺左丞致政太常以南臺御史還家。兄弟暇日。讌集圭塘亭榭。時所作也。一唱一

和。珠玉輝映。奉讀之餘。則賢人君子棣華之樂可想也。遂成俚語一章。用贊萬一云。宰相歸來致政時。

塘唱和類墳旒。好山好水天開畫。難弟難兄日賦詩。酒罍每從花塢設。釣舟時傍柳陰移。景因人勝千年暇。綠野香山未足奇。山東陸煥然拜。

至正癸卯。余奉使嶺南。丙午。自瓊儋回。屆相時太常禮儀院使許公可行。奉旨來尹相省故園之樂也。余亦忝列兵曹。得陪許公於斯。一日。得閱公曩侍兄集賢大學士。可用公泊姪元榦廣倡圭塘集。嗟夫。人家孰不願一門父子兄弟。忠孝之全。惠學之備。榮宦之隆哉。造物有所懂吝。亦人積善未周。弗昭于時矣。若斯數者。許門之樂全矣。嗚呼。公今之來。松楸恪恭。田園得意。復繕圭塘。修榮叢桂。對西山而酬興。臨清流而賦詩。相知棲鳥。適趨芳徑。策杖從容。且歌且樂。軋圭塘之舊。發潛德。起幽光。遂平生之高志。樂好景黃花。若韓魏公胡子山。王西溪各賢。不獨專美於往。而許公一門。躡高風於後。誠不多讓矣。若夫麟閣勛名。玉堂舊業。公無夢矣。余何人哉。得密邇於圭塘耕耘也耶。浚儀王國寶拜。

右倡和集一帙。江湖友人躬錄而裝潢者二十八年矣。南歸展讀。中雖無恙。而外皆破碎可憐。況兵後所存。唯此本爾。乃力疾補葺。遺我子孫。永收翫上。章涪灘歲夏四月初吉洄濱識。